


ANTONII

MIZALDI MONLVCIAN

*Zodiacus, siue duodecim Signo-
rum cæli Hortulus: libel-
lis tribus concin-
natus.*

Ad Franciscum Oliuarium
Franciæ Cancellarium.



PARISIIS,

Apud Carolam Cuillard, sub sole aureo, via ad diuum Iacobum.

M. D. LIII.

CVM PRIVILEGIO REGIS.

Μετεωριζόμενος.

Cœlestis cœlum, terram terrenus anhelat:

Præsidet huic Pluto : Iupiter illud habet.

Ἐκ πόντος ὁ κλεῖς.



Ob. 8:11. 3320

ORNATISSIMO VIRO

Francisco Oliuario Franciæ Can-
cellario, Antonius Mizaldus
Monlucianus.

S. P. D.



*V*m ego à medicis & mathemati-
cis autoribus, ornatissime Cancel-
larie, nuper ad Græcarum histo-
riarū scriptores, animi gratia, me
conferrē, forte fortuna in Herodotū
per commodè incidi: apud quē ma-
gna cū voluptate adnotavi Ama-

sim Aegyptiorum Regem prudentissimum, olim suis le-
gē dedisse vt quotānis apud prouincia Præsidentem vnus-
quisque ocij, ac vitæ rationem redderet: demonstrarēt-
que vnde viueret, & quo quæstu sustentaretur. Quod qui
facere detrectaret, præsentem pœnam agnoscebat. Legem
eam postea ab Aegyptiis Solonem ad Athenienses, &
rursum ab his Censorium Catonem ad Romanos trans-
tulisse, ibidem in animum reuocari meum: exemplo sanè
omnibus non dicam regnis & prouinciis, sed etiam vr-
bibus singulis, ac viculis magnopere imitabili, & sum-
mè obseruando. Cui hodie si locus aliquis daretur, fœli-
citer cum rebus humanis ageretur. Nam quisque in offi-
cio esse satageret, ac artem aliquam tractare meditare-
tur, quâ se à pœna solers eriperet, ac inopem vitam se-
dulò defenderet. Vnde, vel tantillum commodi hinc saltē
emergeret, quòd in alienas possessiones, imò verò in vitā
omni possessione cariorē (sublata è media hominū vni-

uersitate quauis inertia, scelerum quorumcumque al-
 trice ac parente) sacra nescio qua auri fame, tam frequē-
 tes non struerentur insidiæ: nec esset, ut est in proverbio,
 homo homini lupus. ô ter, quaterque beatas Respubl. in
 quibus tam sancta lex aliquando vigebit? ô seculum ve-
 re aureum, in quo Reges, Regumque σὺμβεβηλοί, in hac tā
 proba incumbunt studia? vetusque institutum nouum fa-
 cere aggreditur? Sed quorsum rapior? ad me redeo. Cum
 itaque in hanc Herodoti historiam vere auream incidis-
 sem, mearum partium esse duxi, hoc nouo ineunte anno
 (ac si lex illa Amasina hodie locum haberet) οὐκ ἔστιν, vitæque
 meæ rationem apud te reddere: qui per vniuersum Gal-
 liae regnum, longè latèque fusum, necdum in certa aliqua
 eius prouincia, summus Cancellarius haberis, & Præses
 omnium supremus. Itaque, quia quam quisque nouit ar-
 tem in ea & se exercere, & illius specimen tutò adere po-
 test, ex duabus artibus (medica, inquã, & astronomica)
 quarum gustum qualemcumque sua benignitate imperti-
 re mihi dignatus est largitor ille bonorū omnium Deus
 Opt. Max. postremam hinc (nam vtramque coniunctim
 alibi) exornandam & illustrandam mihi proposui. Ex
 cuius hortulis, etiam media Bruma vernantibus, floscu-
 lum hunc tibi hodie concinnare nihil sum cūctatus: tibi,
 inquam, quæ philosophiæ cælestis, imò vero μαθηματικῶν
 omniū apprime studiosum esse, & noui & audiui. Verū
 enimvero, cū dicti flosculi, & papiracei munusculi tenui-
 tatem, cum sublimitatis tuæ gradu cōpono, animus sanè
 meus in diuersa rapitur: adeo, ut de mutãda sententiã, &
 euertere cōsilio rationē secū iure ineat. In quo dñi anxius
 hæret, ecce illi peropportunè, ceu Deus quispiam ex im-
 prouiso (quod dicūt) occurrit, vir doctus æquè, ac huma-

*nus, ANTONIVS MINARDVS in supremo
 Parisiensi Senatu Præses integerrimus, nostrorumq; Bor-
 boniorum decus singulare, & tuarum virtutum, tuique
 candoris prædicator constantissimus: apud quem dum
 instituti mei summam expono, subrusticum pudorem meum
 insigniter obiurgat: dicitans te eum esse ad quem per-
 faciles aditus pateant: quique oblatas eruditorum lucu-
 brationes vltro excipias, etiã quantumvis exiguas: nec
 vllum à tuo conspectu excludas, ac tristem abire sinas.
 Quædum audirem, ex timido audetior ilico sum factus:
 quem enim tanti viri vox non excitet? Cœpi itaque Zo-
 diographicam hanc meam lucubratiunculam, superio-
 rum mensium noctibus aliquot præcipitatã veriùs quàm
 elaboratam, incudi vtcumque reddere: vt in tuo nomine
 sub initia huius noui anni, ΦΙΛΙΑΣΡΟΝΘΟΙΣ omnibus ex-
 cuderetur. Hæc si quispiam de corpusculo, & mole sanè-
 quam exigua expendere volet ac metiri, perpusillum o-
 pusculum, & munus valde tenue esse dicet: si de rebus
 quas describit, summè diuinũ, sublime, magnum, ac pre-
 tiosum iudicabit. Nos ibi cælorum Signa duodecim, suis
 coloribus paucis illustramus: nihil omittentes quod de
 illis dici possit, si Zodiacum eorumdem vectore & au-
 rigan spectas: quem Aristoteles propter diuinam ipso-
 rum Signorum energieam, mortis & vitæ circulum appel-
 lare nihil veretur. Id autem argumenti eò libentius tra-
 ctandum sumpsimus, vt fidem ex nostra Cosmographia
 haud ita pridè lectoribus datã, opportunè liberaremus.
 Reliqua ibidem à nobis promissa intra dies aliquot
 (aspirate Domino) expedituri sumus, modò hæc vt prio-
 ra, doctis & bonis placuisse intellexerimus. Planetas
 dico, siue Planetarum collegium, & Asterismos, seu stel-*

latam ex propriis imaginibus octava sphaera Syluulã.
Qua omnia tam facili methodo sumus cõplexi, vt qui-
uis etiã mediocriter eruditus, quatuor opusculis versus
quingies mille plus minùs capientibus, labore modico
& impensa leui, totum cœleste theatrum & capere, &
perlustrare, animoq̃ue circũferre possit: ab infimis enim
ad summa gradatim conscendimus: & hinc immensam
Dei, cœlorũ & terræ Architecti incomparabilis sapiẽ-
tiam, gloriam, & maiestatem omnibus palam exhibere
sategimus. Nec temere mea sententia, nam, vt est apud
regium Prophetã, δι' οὐρανοῖ διηγοῦνται δόξαυ θεοῦ, ποιή-
σιυ δ' ε̃ χειρῶν αὐτοῦ ἀναγγελεῖ τὸ σερεῖωμα. Sanẽ, si ori-
ginem nostram cœlestem facimus, si spiritum nostrorum
corporum formatorcm, germen esse cœlestis ignis Gale-
nus posuit: si astro persimilem Aristoteles dixit, nihil vi-
deo homini affine magis, & cognatum esse, quàm cœlũ.
Quod qui negat, impiẽ & Deo & Naturæ Gygantum
more, pugnat: sēque degnerẽ animam habere palã pro-
fitetur. Nam quæ, per Deos immortales, digniores disci-
plina, aut magis necessaria, quàm quæ in rebus cœlesti-
bus perpetuò versantur? In quo perfectius Dei summi æ-
ternitatem contemplari liceat, quàm in his quæ diuina
sunt, & corruptioni minimè obnoxia? A quo meliùs in-
effabilem Dei maiestatem, & cetera quæ in rerum natu-
ra stupefcimus & admiramur colligere dabitur, quàm
à stellarum pulchritudine, Signorum energeia, cœli mo-
tu & vastitate? Habet sanẽ hæc diuina contemplatio,
nescio quid latentis miraculi, imò verò abstrusæ ener-
geia, quæ mentes nostras in sui, & Dei Opt. Max. ad-
mirationem & amorem, abdita naturæ familiaritate,
nō secus rapit, quàm Magnes ferrum. Deo itaque gratias
summas

summas agere debemus, quòd in hac caligine mentis hu-
mana, aliquas scintillas suae sapiètiæ & diuinitatis in
cælo maximè lucere velit: semèlque inuentam cœlestem
philosophiam, ad vsum in vita transferri: ad prænoscē-
das anni tempestates, aeris motus, mensū & dierum ra-
tiones, ad tuendā valetudinem, ad rem nauticam, rusti-
cam, medicam, militarem, & vt paucis multa dicam, ad
quiduis ferè in sublunari orbe perficiendum & auspi-
candum: sed omnium maximè ad celebrandum opificem
Deum. Verùm hæc plus satis, præsertim apud tantum vi-
rum omnigena eruditione illustratum: cuius ocium sum-
mè negotiosum habetur: præsertim hisce temporibus, in
quibus Mars suis furiis comitatus, horrèdū nescio quid
fremit. Finè itaque facio, à te obnixè petens, ornatissime
Cancellarie, vt xeniolum hoc qualecunque, hisce Iani ca-
lèdis ex animo tibi oblatū tam placidè excipias, quàm
libenter exhibeo. Hoc factum si intellexero, conatus meos
ad alia quæ in manibus sunt, & his maiora, ex vmbra
in lucem proferenda, non mediocriter promouebis. Bene
vale. Lutetiæ pridie natalis IESV CHRISTI
seruatoris nostri.

1552.

A iij

ZODIOGRAPHICI

libelli ad Lectorem.

SI tibi prodimus parui, ne despice: paruis
Gratia reb^o inest, ac ingens sepe voluptas:
Nec non & pretium pretio pretiosius omni:
Sic vnguentorum, sic auri pondera parui,
Exuperant pretio permagnos æris aceruos:
Sic adamas punctū lapidis, pretiosior auro
Censetur multo: censetur & vnio iusta
Argenti massa præstantior. Ergo, diserte
Lector, ne in nobis corpus, sed p̄spice vireis:
Et q̄ magna tibi sub paruo pondere, paucis
Claudamus: cœlis breuitas gratissima res est:
Grata viris doctis q̄ magna negotia tractāt:
In quorū numero primas Oluarius vnus
Agnoscit: rogitas quis? Cancellarius ille
Gallorū: Vrania pius hospes: portus & aura
Doctorū: atq; illinc famâ super æthera not^o:
Ad quē per facileis aditus speramus habere.

*Superata tellus
sidera donat.*

SVMMÆ TRIVM LIB. ZOD.

LIBRI TRES ZODIACI, SIVE

*Signorum cœlestium Hortuli, hæc in summa
habent, ac describunt.*

Primus, proponit duodecim Signorū Zodiaci, ordinē, sitū, naturā, qualitates, & (vt loquūtur) passiones omnes tā naturales, quàm accidentales. Præterea, Signorum triangularitates, decanos, fines, domos, exaltationes, & alia.

Huius præcipua, summæque capita hac digeruntur serie.

Breue proloquium cum inuocatione, & dilucida enumeratione rerum toto libro describendarum.

Zodiaci descriptio, cum nomenclatura & ordine duodecim Signorū, à quibus ille nomē habet.

Zodiaci natura, situs, & cū latitudine declinatio.

Cur Signifer de omnibus cœli circulis mundum obliquè circumdet, ac obambulet: multisque animalibus illustrètur.

Quid Signum Zodiaci, gradus Signi, minutū gradus, secundum minuti, &c.

Signi cuiusque lōgitudō, & latitudo. Adhæc, quæ nã Signa terrestria, aërea, aquea, & ignea.

Signa masculina, & calida.

Signa fœminina, & frigida.

Signa diurna, & nocturna.

Signa septentrionalia, & meridionalia.

Signa mobilia, fixa, & communia.

Signa mobilia, fixa, & communia, quomodo quatuor anni tēpestates foueāt, excitēt, ac moueāt.

Signa tropica, siue cardinalia: & cur ita appellētur.

Signa

- Signa tropica ante se habere gemina & bicorpora Signa, non absque ratione.
Signorum triplicitates, siue triangularitates : cum earundem qualitatibus.
Signorum cuiusque triplicitatis, Domini tã diurni, quàm nocturni.
Signorum facies, siue Decani: Aliter de eisdem.
Signum Arietis cuius Planetę domum, exaltationem, ac depressionem exhibeat.
Signum Tauri cuiusnam, &c.
Signum Geminorum cuiusnam, &c.
Signum Cancri, cuiusnam, &c.
Signum Leonis, cuiusnam, &c.
Signum Virginis cuiusnam, &c.
Signum Librę, cuiusnam, &c.
Signum Scorpij, cuiusnam &c.
Signum Sagittarij, cuiusnam &c.
Signum Capricorni, cuiusnam &c.
Signum Aquarij cuiusnam, &c.
Signum Piscium cuiusnam, &c.

ADMONITIO pulcherrima in præcedentia.

- Signum Zodiaci vnumquodque, quibus stellis, quot, & quantis circumscribi, & figurari ab Astronomis censeatur.
Signum Zodiaci quodlibet, quando inauspicatũ, ac nocens dicatur, & contrã.
Signa aliquot contrario modo & figura, quàm alia supra Horizontem ascendere, ac descendere: & quid hoc portendat.
Signa quædam in Zodiaco humana esse, alia verò ferina: non absque ratione & exemplo.

Signa

SVMMATRIVMLIB. ZODIACI.

Signa humana à ferinis vndique in Zodiaco obfideri:& quid illud fignificet.

Signa fœcunda,& prolifica.

Signa fterilia,& item mixta.

Signa recifa,duplicia,& bicorporea.

Signa muta,& loquacia.

Signa currentia.

Signa fella,& pigra.

Signa iacentia.

Signa recta.

Signa membris fraudata:fiue (vt loquuntur) imperfectorum membrorum.

ADMONITIO in fuperiora,pro iamdictorum fignificatione.

Signa in Zodiaco hærentia, ac fe contingentia:

Adhæc conuenientia,& diffidentia: cum his quæ deorfum præfigurant,

Signa aliquot gemina, & bina in cœlo haud quaquam temere collocata effe.

Signa quædam in Zodiaco nuda effe: & quid deorfum mortalibus fignificent, ac præmōftrēt.

FINIS LIBRI PRIMI.

Secundus liber recenset Signorū Zodiaci exortus & item occafus. Adhæc, eorundem afpectus & radiationes inter fe: cū partibus Signiferi quæ Lunæ peragrationes, fiue (vt vulgò loquūtur Aftronomi) manfiones octo & viginti conftituūt. Afcribit infuper Signis Zodiaci, quatuor anni partes, ac tempeftates: eafq; propriis coloribus depingit:cū Signo partis cuiufq; duce, & aufpice.

Mundi

SVMMÆ TRIVM LIB. ZOD.

Múdi præterea regiones, præcipuaſq; prouincias, ex priſcorú nomēclatura, ſingulis Signis diſtribuit.

Huius præcipua ſummaq; capita, hæc digeruntur ferie.

Q Vid Signum in vtroque ſphæræ ſitu rectè, vel obliquè oriri.

Signorú aſcenſiones, & deſcenſiones, ſiue aſtronomici exort^o & occaſus in recta ſphæra. Signa tardè & velociter aſcendētia ac deſcendentia in obliqua ſphæra, ſeu decliui.

Signa ſex quouis tempore ſupra terram eſſe, & totidem ſub terra.

Signorum exortus & occaſus triplex: iuxta poëticam ac vulgatam acceptionem.

Signorum, & partium Zodiaci aſpectus inter ſe necnon radiationes. Et primùm quadrangularis, deinde triangularis, cum vtriuſque natura & viribus.

Signorú aſpectus ſexāgularis, ſiue ſextilis, & hexagonus: cum propria illius natura & viribus.

Signorú aſpectus oppoſitus, ac ei^o natura & vires.

Signorum oppoſitorum nomenclatura cum partibus anni quæ illis reſpondent.

Signa oppoſita quando, & quomodo amica, vel inimica dicenda.

Signa dextra & ſiniſtra, ex quibus aſpectus tam dextri, quàm ſiniſtri colliguntur.

Signorú inimicitie, & concordie penes aſpectus, iuxta vulgatum Aſtologorum modum.

Signorum Zodiaci partes, ſeu tractus octo & viginti, quos priſci Aſtronomi Lunę manſiones, ſiue

SYMMATA TRIVM LIB. ZOD.

siue peragrations dixerunt. In quibus dum Luna versatur, inferiora hæc, & maximè aërem, variè exagitat.

Signum Zodiaci à quo Ver Astronomis initiatur: cū ppria eiusdè Veris descriptione, ac natura.

Signum Zodiaci à quo Aestas Astronomis initiat, cum propria &c.

Signum Zodiaci, à quo Autumnus &c.

Signum Zodiaci, à quo Hyems, &c.

Signa tria vnicuique dictarū tempestatum anni deputari.

Ab Ariete, siue ab Aequinoctio vernali, gētes plērasque suum annum olim incoasse.

A Cancro, siue ab æstiuali Solstitio gentes, &c.

A Libra, siue ab Aequinoctio autūnali, gētes &c.

A Capricorno, siue à brumali Solstitio, gētes &c.

Signa Zodiaci cū suis Planetis, quos vētos excitēt.

Signis Zodiaci, septem mundi climata subiici, & ascribi: propriosque ibi duces, rectores, ac dominos habere.

Signis certis Zodiaci, ac item Planetis vnamquāq; orbis terrarum regionem subiici: vnde scilicet, tot & rerum & figurarū varietates, ac particulares proprietatum distributiones, & motus.

Signo Arietis subditæ regiones, ex prischorum nomenclatura.

Signo Tauri subditæ regiones.

Signo Geminorum subditæ regiones.

Signo Cancri subditæ regiones.

Signo Leonis subditæ regiones.

Signo Virginis subditæ regiones.

Signo

Signo Libræ subditæ regiones.

Signo Scorpionij subditæ regiones.

Signo Sagittarij subditæ regiones.

Signo Capricorni subditæ regiones.

Signo Aquarij subditæ regiones.

Signo Piscium subditæ regiones.

Signorū triplicitates fœdere tacito decreta cœlestia omnibus regionibus quas subiectas habēt, ex æquo communicare. Adhæc regiones regionibus, vt Signa Signis alicubi conuenire, alibi verò dissentire.

Signorum Zodiaci decreta, vti etiam Planetarum ob regionum situs, ac naturas plærumque impediri, ac mutari. Ex quo varia, variis locis cōceduntur, quæ aliis negantur planè.

Signa Zodiaci hominum membris attributa: & quando morbos, aut vitia portendant.

FINIS LIBRI SECVNDI.

Tertius liber expedit astrologica quædam & γενεθλια λόγια de duodecim Signis Zodiaci natali hora exoriētibus: iuxta priscorū, & recētiorū cœli philosophorū obseruationes: vnà cū his, quæ natis sub illis in vita plurimū præfagiūt, ac significabant: cū multis aliis legēdis potius quàm aspernandis.

Huius præcipua, summaque capita hac digeruntur serie.

Signa Zodiaci suam pacē, suaque bella habere: quæadmodū homines qui sub illis nascūtur.

ADMONITIO in iam dicta.

Signa mobilia quæ studia, quæque artes, & sensus natis

SUMMA TRIVM LIB. ZOD.

natis sub se concilient.

Signa fixa, quæ studia, quâsve &c.

Signa communia, quæ studia, quâsve &c.

Signum Zodiaci quodlibet quas artes particulatim habeat: de quæ sua natura & imagine deorsum agnoscat.

Signa cœli (vti etiam stellas) suas eclipses, & luminum actionumque priuationes (saltem ad tempus) habere. Quod vnum, res mundi huius inferioris quæ ab illis pendent, & experiuntur, & sustinent.

Signum Arietis in alicuius natiuitate ascendens, vel horoscopum constituens, quid nato plurimum hic portendat: & quos illi mores impingat.

Signum Tauri in alicuius natiuitate ascendens, vel &c.

Signum Geminorum in alicuius natiuitate &c.

Signum Cancris in alicuius natiuitate &c.

Signum Leonis in alicuius natiuitate &c.

Signum Virginis in alicuius natiuitate &c.

Signum Libræ in alicuius natiuitate &c.

Signum Scorpionis in alicuius natiuitate ascendens, vel &c.

Signum Sagittarij in alicuius natiuitate &c.

Signum Capricorni in alicuius natiuitate &c.

Signum Aquarij in alicuius natiuitate &c.

Signum Piscium in alicuius natiuitate &c.

Signa Zodiaci humanos facientia, nec non manufectos, & contrà.

ADMONITIO in iam dicta.

FINIS LIBRI TERTII,
& vltimi.

LIBER PRIMVS ZO-
diaci, seu Hortuli duodecim Si-
gnorum Cœlestium, auto-
re Antonio Mizaldo
Monluciano.



Itego Zodiaci stellatas vndique PROPO-
formas SITIIO.
Perspicua methodo describo: ex
ordine tradens
Quot sunt quæ vutilant obliquū
Signa per orbem:

Cum Phæbo, alternis volucrem portantia Lunam:
Atque alia aduerso luctantia sidera motu,
In primum (veluti ex Sphæra monstrauimus antè)
Quas vireis habeant: quid agant: moueantq̃ deorsum:
Et quis cuique locus: qualis natura: quid hoc est,
Vnde homines, stirpes, pecudes, aer, mare, terra,
Concipiunt motus: quo pergant tramite cuncta:
Quid proprium teneant: & quid memorabile seruent:
Nam scripsere in eis prisca miranda latère:
Ac vitam, & mortem rebus spirare quotannis:
Quando per illa suo spaciantur sidera motu.
Sed frustra hîc operam nauabo, sis nisi mecum
Vranie: cœtus cœlestis prouida custos:
Ergo ades, & facilem te paruo trade Poetæ:
Egregium decus est tentantem summa, iuuare.

INVO-
CATIO.

B Zodiaci

ZODIACI LIBER PRIMVS.

Zodiaci descriptio, vnâ cum ordine & nomenclatura duodecim Signorum quæ vehit, & à quibus nomen habet.

NARRATIO.

ZΩδίακον proprio dixerunt nomine Graij,
 Quem Latium vera, & certa ratione vocauit
 Orbem signiferum: nam bis sex sidera portat:
 Signa fere cunctis vulgari reddita voce.
 Quòd bene significant quid cœlum mittat, agátue
 Aera per liquidum in res terra, & corpora nostra:
 Laniger est primum, stellato vellere fulgens:
 Quem sequitur radians prostrato corpore Taurus:
 Post, Gemini incedunt speciosa lampade clari:
 Deinde vehens aestum, & feruentia tempora Cancer:
 Subter quem rabidi splendet fera seuæ Leonis:
 Cui facilem comitem se præbet candida Virgo:
 Sub pedibus spectans mirando lumine Libram:
 A qua pertrahitur lucenti Scorpius astro:
 Mox & ab hoc Cheiron, rutilo spectabilis arcu:
 Post quem barbato Capricornus obambulat ore:
 Quem non inuitus sectatur Aquarius: ambos
 Deducens post se gemmato corpore Pisces.
 Sed fortasse petis, cur hæc sint Ζώδιακ' Græcis
 Inscripta, & variis passim depicta figuris?
 Præterea, cur sint illic tantùm duodena?
 Et cur disparibus stellis, ac lumine constant?
 Causa est longa nimis, alioq; docenda libello
 Sèorsum, cum multis, quæ hîc visum est iure tacere:
 Si patiens fueris, cum tempore cuncta reponam:
 Nî fortuna meos conatus impia turbet.

Signorũ
 duodecim
 Zodiaci,
 ordo &
 nūcupatio

Occupatio ad petitionem.

Zodiaci distributio in gradus secundum longitudinem & latitudinem. Adhæc, quæ sit eius natura, situs

AUTORE ANTO. MIZALDO.

tus, necnon obliquitas ac declinatio.

Regia diuorum rutilans, ac aula Dearum
Signifer, interitus rerum, vitæq; volumen:
Accipit in longum ter centum ex ordine parteis
Ac sexagenas: in latum solus, & vnus
Octo bis, vt doctis visum est: hic tramite certo
Obliquat sese in Libyen: vnde horrida Bruma
Aduentat: secat hinc medium curuatus Olympum:
Qua de parte nouum spirat Ver: inde volutus
In Boream: vnde Aestas flauentia demetit arua:
Hinc rursus medium repetit sinuatus Olympum:
Autumnus paribus qua tempora diuidit horis:
Atque iterum ad Libyę hinc sitientes flectit arenas:
Venerat vnde prius, necnon inceperat ire.

Zodiaci
partes in
longū, &
latum.

Declina-
tio.

Cur signifer de omnibus cœli circulis mūdum ob-
liquè circundet: multisq; animalibus illustretur.

Signiferum obliquis circundare flexibus orbem
Vna hominum voluit, diuumq; aterna potestas:
Quò variæ rerum species, quò tempora rebus
Certa forent: adstringat Hyems: Ver stricta relaxet:
Concoquat Autumnus quod & ante parauerat Aestas.
Qui si directus staret, Sol semper, & astra
Consimilem cursum facerent, similemq; tenerent
Vsq; locum: ac radios similes, & semper eosdem
Proiicerent: ex quo rerum sequeretur vbique
Forma vna, ac anni facies, & temporis vna:
Non absque insigni iactura rerum, hominumque.
Idem, bisseis passim variata figuris:
Signa rebit: pecudes, pisces, armenta, virósque:
Hic vt cuncta suos videant ortus, videantq;
Occasus: rerumq; vices, ac fata ferenda:

Zodiacū
circulum,
nō temere
obliquū
esse.

Vide φαι-
νόμενα no-
stra, siue
Ephemer.

ZODIACI LIBER PRIMVS.

aeris: & *Vt nobis alio monstratur rite libello.*
Cometo-
graph.

Quid Signum Zodiaci, gradus Signi, minutū gra-
dus, secundum minuti, &c.

Signum, Zodiaci pars est trigesima: prout sunt
In toto partes tercentenae, ac decies sex:
Et Signa in totis duodena his partibus: ergo
Terdenis gradibus Signum distinguitur: atque
Gradus. Terdenis gradibus Signum distinguitur: atque
Minutū. Bis tricena gradus recipit, clauditq; minuta:
Sexagena secunda tenet quodcunque minutum:
Secundū. Et sexaginta fert tertia quodque secundum:
Cetera crescendo sexagenarius explet:
Vt monet ars, ac causa iubet, deponit & ordo.

Signi cuiusque longitudo, & latitudo. Adhæc, quæ-
nam Signa terrestria, aquea, aerea, & ignea dicantur.

Triginta gradibus longum, latum duodenis
Quodlibet est Signum: terrestria sunt, Capricornus,
Signa ter-
rea. Taurus, & Erigone: sunt aeris hæc tria, Libra
Aerea. Hydrochous, Gemini: naturam seruat aquarum
Aquea. Piscibus, & Cancro similis Nepa: quæ tria restant,
Ignea. Ignea sunt, Aries, Cheiron, Leo denique candens.

Signa masculina, & calida.

Mascula sunt Aries, Gemini, Leo, Libra, Sagitta:
Necnon fusor aqua: quibus est calor additus vnâ.

Signa foeminina, & frigida.

Signa hæc foeminam cognoscunt frigida sortem:
Bos, Cancer, Virgo, Capricornus, Scorpio, Pisces.

Signa diurna, & nocturna.

Te valde cupio nocturna, diurnaq; Signa
Quæ sint prospicere, & propria deducere lege:

Non

AVTORE ANTO. MIZALDO.

Non tenebris, aut luce suum per agentia cursum:
Nam commune foret cunctis hoc ordine nomen:
Frigida sunt nocti, calida auctorata dici.
Sunt quibus esse diurna placet, quæ mascula surgunt:
Et nocturna, suum quæ s nomen fœmina tradit:
Signa diurna aliis sex sunt quæ prona sequuntur
Lanigerum: sex à Libra nocturna putantur:
Illic, quòd lucis Phœbus producere pergat:
Hic noctis: tibi sit potior sententia prima:
Quam clari Astronomi scribunt, laudantq̄, probantq̄.

Signa septentrionalia, & meridionalia.

Ipsæ Ariès, Taurus, Gemini, Cancer, Leo, Virgo,
Affectant Boream, verguntq̄, Aquilonis ad oras:
Signiferi postum si spectas: quò fit, vt illa
A doctis meritò borealia Signa vocentur:
Hic vbi sit terra Phœbus, nobisq̄ propinquus:
Quæ post hæc veniunt, sunt Austri Signa, Notique.

Signa mobilia, fixa, & communia.

Mobilia hæc, Ariès, Cæcer, Libra, & Capricornus:
Fixa, Leo, Taurus, Nept, cū Ganymede feruntur:
Sunt Gemini, Cheiron, Virgo communia Pisces.

Iam dicta Signa quomodo quatuor anni tempestates
excitent, foueant, ac moueant.

Lanigero pecori est vis mobilis: est sua Tauro
Vis constans, solidum robur, stabilisq̄, potestas:
Vis media est Gemini, vtroque à sidere ducta,
Communisque vigor: quod cetera Signa sequuntur
Ordine nexa suo per parteis vndique ternas:
Quæ tempestates componunt quatuor anni.

B ij Tēporis

Quid Si-
gnū diur-
nū, & no-
cturnū ex
multorū
sentētia.

Signa sex
borealia,
& totidē
Australia.

Collatio
tēpestatū
anni cum

ZODIACI LIBER PRIMVS.

Signis à
quibus cō
stituūtur.

*Temporis hinc verni quadrupes Nephelcius autor
It properans: sempérque suas festinat ad herbas:
Nec mora, nec requies: manet ad præsepia Taurus:
Ver manet: insistit bos indefessus aratro,
Incumbens operi: incumbit quoque purpureum Ver,
Per sylvas, per prata, & cœpto perstat in ipso.
At Geminis modus est, dum Ver declinat, & ardens
Procedit cœlo indomitis feruoribus Aestas:
Da simile in reliquis Signis, & partibus anni:
Ne, dum cūct a sequor, videar nimiúsque, loquáxque.*

Signa tropica, siue cardinalia, & cur ita appellentur.

Tropica
Signa vn-
de dicta.

H*ic te percipiam memori bene mente notare,
Quattuor opposita facie gradientia Signa:
Aequo diuisum quibus est discrimine cœlum:
Lanigerum dico, Libram, Cancrum, & Capricornum:
Quæ tropica appellant: quod in illis quattuor anni
Tempora vertantur Phœbo huc veniente: nouamq̄
In faciem mundus sese conuertat, agátque.*

Signa tropica, ante se habere gemina & bicor-
porea Signa: non absque ratione.

Pulchra &
notatu di-
gnissima
de tropi-
cis, & bi-
corporeis
Signis,

N*on frustra duplici formantur imagine Signa,
Quæ tropica in quouis præcedunt cardine mundi:
Nam duplices retinent sociato corpore vires:
Sic præcurrentes Cancrum Gemini, duo sese
Præbent: quorum alter florentia tempora Veris
Efficit: Aestatem sitientem prouebit alter:
Nudus vterque tamen sentit quia vterque calorem.
Sic ipse Arcitenens (qui te Capricorne deorsum
Prospectat) duplici formatus imagine fertur:
Humanas partcis Autumnus morbifer ambit:*

Tristis

AVTORE ANTO. MIZALDO.

*Tristis Hyems, sterilisque, sibi deposcit equinas:
Quosque Aries præ se mittit duo, corpora, Pisces
Bina ferunt: Hyemem hic claudit, Ver inchoat ille.
Quinetiam Erigone binis numeratur in astris:
Quæ Libram tropicum Signum præcedit eundo.
Nec ratione caret: nam spicam porrigit Aestas:
Dies & Autumnus de casta Virgine surgit.*

Signorum triplicitates, siue triangularitates, cum earundem qualitatibus, ac temperaturis.

Est apud Astronomos ternis proportio Signis:
Ignea triplicitas, Aries, feruens Leo, Cbeiron:
Terrea, cum Tauro Virgo, necnon Capricornus:
Aeream faciunt Libra, Vrniger, atque Gemelli:
Scorpius, & Pisces retinent, vt Cancer, aquosam.

Zodiaci triplicitates quatuor.

Signorum cuiusque triplicitatis Zodiaci Domini, tam diurni, quàm nocturni.

Quattuor hæ τριπλοδες, vel (si vis) triplicitates,
Sub denis gradib⁹ Dños sibi fædere seruant
In quouis Signo: veluti nunc ordine pandam:
Prima, die primis gradibus denis habet alium
Solem: dêinde aliis venerandum, nocte, Tonantem:
Extremis, rigidum Saturnum in nocte, diè que.
Alterâ, per lucem est Veneris, sed nocte Diana:
Cui Mars participem se iungit tempore utroque.
Tertia Saturnum dum lux est: nocte, reposcit
Hermetem: subscribe Iouem noctûque, diûque:
Quarta fouet Martem noctu, Venerémque diurno
Tempore: quæis Lunam comitem da, nocte, dièq³.

Triangularitatum Zodiaci ordo, cum earundem præfectis.

Signorum facies, siue Decani.

Sunt Signis facies, quas appellare Decanos

ZODIACI LIBER PRIMVS.

*Præstaret, gradibus quia denis quaque recurrit:
Has ego te methodo, paucis (aduerte) docebo:
Insuper illarum reges, dominosque Planetas.*

Signorum
Decani si-
ue facies. *Lanigeri prima est facies, primusque Decanus
Mauortis: Phœbiq³ sequens: Veneris quod abundat:
Sic Tauri est prima Hermetis: Lunaq³ secunda:
Tertia Saturni: Geminorum prima, Tonantem
Agnoscit: post hanc dabitur Marti altera: deinceps
Qua venient, reliquis sacrare memento Planetis,
Ut sunt in cœlo: facilis res, atque probata.*

Signorum fines, siue termini.

T*Raduntur Signis nonnulli denique fines,
Qui certas stellas retinent, dominosque Planetas:
Hos ego, te ex doctis cuperem perdiscere libris:
Nam res non leuis est, & amat compendia cœlum:
Addo, quod hinc nequeunt scribi omnia versibus aptè.*

Signum Arietis cuinam Planetæ domum, exaltatione, ac depreffionem, seu casum exhibeat.

L*Aniger eligitur generosi regia Martis,
Et solium Solis: quo iustè, ac rite quotannis
Et rerum generi, atque hominum bene consulit orbi:
Ille idem aduerso Signo premiturque, caditque:
Quod reliquis (ne quid repetam) dabis inde Planetis.
Nam parte opposita solio, descendere pergunt.*

Signum Tauri cuinam Planetæ, &c.

P*Rincipio, Cytherea domum, dulcisque recessus,
Et Phœbe solium, solisque insigne superbum,
In Tauro posuere: illic nam regia iura
Exercent: sociâque tenent ditione tribunal.*

Signum

AUTORE ANTO. MIZALDO.

Signum Geminorum cuinam &c.

IN Geminis patriamque domum, charosque penates
Ipse sibi statuit volucer Cyllenius: hic se
Agnoscit: proprias & Signo accommodat arteis.

Signum Cancri cuinam &c.

LVna domū, & cathedrā sibi Iupiter optimus esse
In Cancro voluit, prope sacra palatia Solis.

Signum Leonis cuinam &c.

PHæbus percipiens se iungere rite sorori:
Sedulus in valido fixit sua Signa Leone:
Hicque domum struxit gemmis auroq; coruscant:
Impatiens consortis: ut est suprema potestas.

Signum Virginis cuinam &c.

Mercurius gaudet specioso lumine vultus
Astrææ: quapropter ei datur hospes amicus.

Signum Libræ cuinam &c.

IN Libra, stupido pulcherrima Cypria quondam,
Saturno solium, necnon sibi condidit ades.

Signum Scorpij cuinam Planetæ &c.

Scorpius exposuit Marti sua lustra superbo:
Cum quo non alium voluit regnare magistrum.

Signum Sagittarij cuinam Planetæ &c.

Centaurus Iouis est præfulgida regia summi:
Cui nec adest socius, nec consors hic datur alter.

Signum Capricorni cuinam &c.

T Capricorne seni Saturno tecta, laræmque
Das: & Mauorti solium omni sanguine fœdum.

Signum

ZODIACI LIBER PRIMVS.

Signum Aquarij cuinam &c.

IN te Saturnus sedem sibi ponit Aquari
Solus: nam comitem rigidus non sustinet vllum.

Signum Piscium cuinam Planetæ &c.

Pisces sūt Veneris cathedra, & dom^o amplā onātis:
Hospitium fœlix: nam est hospes ab hospite tutus.

Admonitio pulcherrima in iam scripta.

SI verum narrant, qui scribunt, cuncta deorsum
Quæ fieri debent, sursum retinere figuram:
Hic tibi proponam paucis pulcherrima: primum
Cernis vtrinq̄ue domos Solis, Lunaq̄₃ superbas
(In quibus esse solet regina, & regis imago)
Mercurium eloquij patrem stipare: quod vnum
Summos vsque viros, & magna exempla daturus
Admonet, vt secum teneant, foueantq̄₃ p̄critos:
Nec quocunq̄ue modo propriis patiantur abesse
Aedibus: vt profint, doceant, vigilantq̄₃, iuuentq̄₃.
Audis præterea, quod habet doctissimus idem
Mercurius, proprias ades, Iouis ex diametro
Oppositas tectis: qui largus fingitur auri
Esse dator: quæ res demonstrat, & indicat, omnes
Qui vel doctrina, vel quacunque arte valebunt,
Raros prouentus, nummos, & opes habituros:
Quod pater ingenij præuè spectetur ab auri
Largitore: potes simili deducere forma

Philoso-
phica, &
summè no-
tanda de
domibus
Planeta-
rum.

Breuitas
cū perspi-
cuitate au-
thori fami-
liaris.

Ex modò descriptis quamplurima: quæ tibi cogor,
Festinans aliò, iustè reticere: libenter
His horas aliquot, per libera tempora, posthac
(Si tibi quæ scribo cognouero grata) daturus.

Signum

AUTORE ANTO. MIZALDO.

Signum Zodiaci vnumquodque, quibus stellis, quot, & quantis circumscribi & figurari ab Astronomis censetur.

Quot stellis constet Signum quodcunque, quibusue, Et quantis, satagam facili monstrare Minerua
De proprio libro: dum formas, atque figuras
Ostendat Sphæra conabor pingere ad vnguem:
In quibus suis castris ad tempora figere nostra:
Et cælo, ac terris æquata reddere lance:
In quo rite meum claudam hoc cælesti theatrum:
Mille quater structum & quingentis versibus: intra
Septenos mensis, nocturnis scilicet horis:
Dum fortè à rebus medicis, medicis quoque libris,
Ac à iis, mihi cessandi est concessa potestas:
Atque calor vegetus iuuenili in corpore feruet.

Signum Zodiaci quodlibet, quando inauspicatum dicatur, ac nocens: & contrà.

Signum quod calcat quicumque Planeta malignus:
Aut in quem radios iaculatur fronte minaci,
Inde trahit vitium, multoquè nocentiùs afflat:
Contrà, quod sælix: quæ res nos admonet vna,
Quòd rectos mores ledunt consortia praua:
Emendantquè malos, bona: ni mentitur Apollo.

Signa aliquod còtrario modo, quàm alia supra horizontem ascendere, & parte opposita cadere (si corporis formam, ac imaginem spectas) & quid illud demonstrat.

Sunt tria Signa, nouem reliquis pugnantià, forma,
Atque modo vario incidendi: respice Taurum
Clunibus, & Geminos pedibus, testudine Cancrum
Surgere: cum rectis oriantur cætera membris:

Ne mirere

Signum fau-
stum & in-
faustum.

Signa nõ
vno mo-
do per Zo-
diacum in-
cedere.

ZODIACI LIBER PRIMVS.

Philoso-
phica, &
pulchra.

Ne mirere modum, nam Sol auersa per astra
Aestiuum tardis attollit gressibus annum:
Atque moras nequit longas per talia Signa.
Est aliud tamen hoc (me iudice) cuique notandum:
Nimirum, quòd erunt homines quos surgere in altum,
Ad summòsq; gradus, & honorum culmina summa,
Auerso reptare modo, sine lege videbit
Mundus: constanterq; feret: cælo quia sic stat.

Signa quædam in Zodiaco humana esse, alia ve-
rò ferina: non absque ratione, & exemplo.

Signa hu-
mana in
Zodiaco.

Philoso-
phica & e-
gregia.

S Ignifer humanis Signis duntaxat habetur
Quattuor illustris: Geminis & Virgine, necnon
Vrningero: queis parte vna addes Arci tenentem:
Quæ superant octo, dicuntur Signa ferina.
Sed fortasse petes, quorsum tot Signa ferina
In cælo, & tam pauca humano prædita vultu?
An quòd nos voluit summa, & diuina potestas
Noscere, quòd plures brutales, atque ferinos,
Indociles, seuosque, malos, & ledere promptos,
Inferior mundus (qui se speculatur in astris)
Gestabit: quàm compositos virtutibus, atque
Humanos, dociles, placidos, mitèsque, bonosque?
Qui prodesse velint cunctis, offendere nullum:
O rem mirandam cælum? ô mysteria digna
Omnibus exponi, quibus hærent optima cordi?

Signa humana à ferinis vbique in Zodiaco ob-
fideri: & quid illud significet.

Signa fe-
rina in
Zodiaco.

Quæ sunt in cælis humano condita vultu
Signa, manent formis vtrinque obseffa ferinis:
Sic nudi Gemini, à Tauro, Cæcroq; premuntur:

AVTORE ANTO. MIZALDO.

*Etrursum à Capro cornuto, & Piscibus, vnus
Vrniger: à sauo castissima Virgo Leone:
Sic Cheirona Caper, necnon & Scorpius vrgent.
Si petis, hæc quorsum? paucis monstrare studebo:
Vt genus humanum, sancta & cœlestis origo,
Condiscat variis se casibus esse, malisque
Expositum: atque ad pauperiem vel lege vocatum
Naturæ: veluti ex speculo monstratur in astris.*

Philoso-
phica &
pulchra.

Signa fœcunda & prolifica ex priscorum
traditionibus.

V*T res cœlorum facili gustare labello
Possis: ecce tibi, & rara, & vulgaria scribo:
Fœcundum propriè est Cancri genus: acer & icthu
Scorpius: & partu complentes æquora Pisces.
His ergo in Signis natali tempore, quisquis
Summū rectorem genesis, dominūve videbit,
Multa prole parens fiet: modò cætera constant.
Causas nos alibi pergemus quærere: necnon
Multorum, passim quæ libris tradimus istis:
Si Deus hos nobis iuueniles proroget annos:
Et factum satis hîc à me tibi dixeris esse.*

Signa tria
fœcunda.

Signa sterilia, & item mixta atque ambigua, ex
priscorum traditione.

E*St Virgo sterilis, sterili coniuncta Leoni:
Nec capit, aut captos producit Aquarius ortus.
Inter vtrūmque volat Capricornus frigore notus:
Et qui contento fulget Centaurus in arcu:
Est Ariès mixtus: qui æquantem tempora Libram
Ac Geminos, Taurumq, pari sub sorte recenset.
Hæc cui nascenti dominantur Signa, futurum*

Vide pro-
his Gene-
thialogi-
cos.

Credat,

ZODIACI LIBER PRIMVS.

Credat, vt aut paucos gignat, vel morte premendos.

Signa recisa, duplicia, ac bicorporea.

Quid quòd Signa dabo quaedã, pro parte, recisa?
Atque ex diuerso cõmissis corpore membris?
Testis erit Caper: & qui tentum dirigit arcũ
Iunctus equo: cui pars hominis, pars altera bruti est:
Nec Taurum excludes, postica parte carentem:
Quæres quid monstrant, posthac ostendere pergam
Cum primum reliqua huius pluma absoluero paucis.

Signa muta, & loquacia.

Muta manent Cancer, Pisces, & Scorpio, Libra:
Sed nonnulla sonos, nullo monstrante, reponunt:
Vt caput armenti Taurus: pecorisq; superbus
Rex Arius: sæuisq; Leo, necnon Capricornus.
Cætera, sermõnis, vocisq; capacia sunt.

Signa currentia.

NE tu (quæso) putes in eo cõmentã dedisse
Naturam rerum, quòd sint currentia Signa:
Vt Leo, & Arcitenens, necnon & Laniger: illa
Nil tentat frustra: spectatque per omnia finem:
Vt mox exponam, facili adspirante Minerva.

Signa fessã & pigra.

Sunt quæ fessã sedent pigras referentia mentes:
Vt Taurus, positus collum demissus aratri:
Et Libra, atque Caper contractus frigore sursum.

Signa iacentia.

Procumbit Cancer regradarius, ac iacet: estq;
Scorpius huius similis, metuendus vulnere: Pisces

AVTORE ANTO. MIZALDO.

In latus obliqui recubant, ceu morte sepulti.

Signa recta.

Q *Vadam recta suis librantur sidera membris:
Ut Libra, Gemini, fundens & Aquarius undas.*

Signa membris fraudata, siue imperfe-
torum membrorum.

S *I tu solerti circumspicis omnia cura:
Fraudata inuenies nonnullis sidera membris:
Scorpius in Libra consumit brachia: Taurus
Cernitur incuruo claudus pede: lumina Cancro
Desunt: Centauro superest, & quaritur vnum.*

ADMONITIO in superiora, pro illorum
significatione.

A *Vdisti vt cælum (mundi terrestris imago)
Concisos, steriles, scandentes, atque cadentes,
Mutos, ac duplices, currentes, atque iacentes,
Insuper, & fessos, prostratos, demique nudos,
Necnon fraudatos membris, pigrosque, loquaces,
Atque imperfectos, variè capiâtque, gerâtque:
Id dum cognoscis, dum spectas, disce libenter
Quòd nostros casus solatur mundus in astris:
Exemplòque docet constanter singula ferre:
Ac vitium cuiusque animo tolerare modesto:
Omnis cum à cælo fortuna pendeat ordo.
O rem, ter, quater excelsam? ò miracula mira
Cælorum? ò magnum artificem, summumque magistrũ,
Et doctum? sacris digitis qui cuncta notauit
Sursum, discipulos vellet quæ nosse deorsum:
Hoc studio quid (quæso) dabis diuinius? aut quid
Optandum*

Philoso-
phica sũ-
ma lectio-
ne & admi-
ratione di-
gna.

Rerũ cœ-
li studium
planè di-
uinum.

ZODIACI LIBER PRIMVS.

*Optandum magis? id tenues quæramus, & ampli:
Nam æquè pauperibus prodest, locupletibus æquè:
Æquè neglectum pueris, senibûsque nocebit.*

Signa in Zodiaco hærentia, ac se contingentia:
adhæc conuenientia, & dissentientia: cum his
quæ deorsum præmonstrant, ac significant.

Philoso-
phica, &
egregia.

IN cælo nulla est hærentibus addita Signis
Gratia: nam consensus abest, quia visus ademptus.
Si fortasse cupis quæ sunt hærentia nosse:
Hærent perpetuè maribus muliebria: sicut
Lanigero Taurus, Geminis Cancer: tibi nota
Cætera sunt: mundo supero quibus est amor, & pax
Suspecta: ex sexus natura, parte, locoque:
Quorsum? nimirum vt discant homines bene nati,
Quòd sunt, & sexu, & studiis, & moribus, atque
Votis disparibus, totum sociata per orbem
Mascula fœmineis, natura lege vetusta:
Scilicet hinc rixæ, & discrimina: quod (precor) vnum
Cõnubio iuncti videant, & credere cælo
Incipiant: in quo est Diuûm depicta voluntas:
Ast hominum nullis opibus mutabile fatum est:
Nec frustra, non sunt etenim venalia fata.
Queis Deus imponit leges, ac imperat, vt vult.

Fata non
esse vena-
lia.

Signa aliquot gemina, & bina in cælo esse, non
absque causa.

Duo Si-
gna in cœ-
lis bina,
seu gemi-
nata.

VErè, Signa dabunt quædam geminata, potentis
Per socium effectus: multum comes instat, agitq;
Ad pacem bellumque: duos per sidera Pisces,
Necnon Tyndaridas nudatis aspice membris:
Queis coniuncta manent alteruo brachia nexu:

Consimi-

AVTORE ANTO. MIZALDO.

Consimiles forma, & numerus par, par quoque corpus:
Ac etas eadem, & vires, studiūque, modūque:
Atque hæc ex paribus toto gaudentia cælo
Signa vides: nihil exterius miramur in illis:
Ni quòd cælestis mundus demonstrat ad vnguem,
Cum paribus debere pares traducere vitam:
Ac similem simili sociali fœdere iungi.

Philoso-
phica

Signa quædam in Zodiaco nuda esse: & quid
inde mundo inferiori significetur.

N Vda tibi ostentat cælum, & pauperrima Signa,
Vr nigerū, ac Geminos: queis nõ est vestis, abestq̃.
Calceus, aut velum: nec frustra: vt discere pergas
Paupertatis onus patienter ferre: patique
Quidquid adest, statuítque tibi Diuina potestas:
Quæ cælum ante hominem formauit: vt esset imago
Cunctorum quæ vellet ei demittere: vellet
Nota prius fieri, quàm sint illapsa deorsum:
Nam leuius lædit quidquid prævideris antè.
Hinc sursum librum scripsit, pinxitque tabellam
Illorum quæ sunt, & erunt, olímque fuerunt:
Duntaxat notam prudentibus, atque peritis:
Qui non vt porci, vel iniquæ sortis aselli,
Obstipo vultu tellurem semper adorant:
Sed sursum spectant: mittuntque ad sidera recti
Sidereos oculos, ac se scrutantur in astris:
Tantò maiores, quantò maior a sequuntur.

Pulchra
de Signis
duobus in
cælo nu-
dis.

Sūma laus
& fœlici-
tas cœle-
stium Phī
losopho-
rum.

FINIS LIBRI PRIMI ZODIA-
ci, siue Hortuli Duodecim Signorum
cælestium, Autore Antonio
Mizaldo Monluciano.

LIBER SECVNDVS ZO-
diaci, seu Hortuli duodecim Si-
gnorum cœlestium, autore
Anto. Mizaldo Mon-
luciano.

Quid signum in vtroque Sphæræ situ, rectè, vel obli-
què oriri, & occidere: siue ascendere, & descendere.



*Rectè oritur Signum, cum quo pars
Aequidialis
Ascendit maior: cum quo verò mi-
nor, illud
Obliquè scandit, similis descensus
habetur.*

Signorum ascensiones, & descensiones, siue astro-
nomici exortus & occasus in recta Sphæra.

S Igniferi quarta de punctis Solstitorum
Necnon Aequantis venientes (vt petet ordo)
Ascensus & descensus retinere feruntur
Aequales: sed ibi partes variare memento
Illarum medias: veluti te ars ipsa docebit:
Quæ non permittit complecti singula versu.

Vide pro
his erudi-
torû Cof-
mogra-
phias.

Signa tardè, & velociter ascendentia, ac descen-
dentia in obliqua Sphæra & decliui.

R *Recta meant, obliqua cadunt à sidere Cancri,
Donec finitur Chiron: sed cætera Signa*

Nascuntur

AVTORE ANTO. MIZALDO.

Nascuntur prono, descendunt tramite recto.

Signa sex quovis tempore supra terram esse, & totidem sub terra.

S*Vpra tellurem quantus consternitur arcus
Cælorum, tantus proponitur esse sub illa:
Sex quavis hora producens sidera sursum:
Et totidem rursus occultans, retinensque deorsum
Per lucem, ac tenebras, omni regione locoque.*

Dimidiū
cælum su-
pra sem-
per, & in-
fra esse.

Signorum exortus & occasus, siue apparitio, & occultatio triplex: iuxta poeticam & vulgare acceptionem.

S*Ignorum occasus triplex censetur, & ortus:
Cosmicus, heliacus, necnon & acronychus: ortus
Cosmicus, ac occasus erit, dum in climate quovis
Sole oriente, aliquod Signum consurget heo a
De regione simul: vel tum se merget in vndas.
Dicitur acronychus quoties surgitue, caditue
Signum aliquod, cum primùm alto se gurgite condens
Titan, permittit stellas splendescere cælo.
Heliacum vocitant ortum, cum Sole propinquo
Signum occultatum (Phæbo sensim subeunte
Vicinum) properè nobis sua lumina reddit:
Occasum contra, quoties Sol vndique Signum
Obtenebrat splendore suo: prohibetque micare:
Cætera percurram quando tractabo Planetas:
Si fortuna volet, studiis malè prouida nostris.*

Exortus &
occasus Si-
gnorū cos-
micus.

Acrony-
chus.

Heliacus.

Signorum, & partium Zodiaci aspectus inter se, necnō radiationes. Et primùm de quadrangulari aspectu, deinde triangulari, cum vtriusq; natura & viribus.

N*Vnc tibi Signorum aspectus proponere pergo: Quid aspē
Qui nil quidquā aliud sunt, quàm distantia certa & Signo-
rum.*
C ij Signo-

ZODIACI LIBER SECVNDVS.

Signorum inter se, aut (si vis) radiatio quadam.

Quadrangularis. Ergo, si aspectus optas numerare quadratos:

Diuide Zodiacum totum per Signa quaterna:

Triangularis.

Aut tria, si explorare voles fortasse trigonos.

Heic, Signum quoduis extremum, prospicit ipsum

Primum: cui socias vireis committit, & addit

Ad pacem, aut bellum: veluti monstrare studebo,

Quando cœlestes satagam celebrare Planetas:

Et mundi fœdus quarum, litemque per astra.

Signorum aspectus sexangularis, siue sextilis, & hexagonus: cum propria illius natura & viribus.

Aspectus sextilis.

IN sunt alternis passim commercia Signis,

Sextili aspectu sanctam seruantia pacem:

Si minus ex toto, saltem pro parte propinqua:

Mascula sic maribus respondent: cetera sexus

Fœminei sic se iungunt, & pace fruuntur.

Ergo, si in senas partes diuiseris ipsum

Signiferum, aspectus fiet qui sextus habetur.

Signorum aspectus oppositus, & eius natura, ac vires.

Aspectus opposit⁹.

SCis quod Signa micant variis ex partibus, vnum

Per medium mundum opposito tendentia vultu:

Septima quæque loco quauis longinqua feruntur,

Se tamen oppositè aspiciunt, virésque ministrant

Ad rixam bellumque suas, cœlo vt placet alto:

Nunc Phœbo & stellis rabidas dictantibus iras:

Nunc rabiem, fœuümque malum frangentibus iisdem.

Signorum oppositorum nomenclatura, cum partibus anni quæ illis respondent.

HIC si fortè libet quæ sint contraria Signa
Per titulos recitare suos, sed èsque: memento

Morbi-

AVTORE ANTO. MIZALDO.

Morbiferum Autumnam florenti opponere Veri:
 Et rigida Brumæ cerealiam tempora: dico
 Libram Lanigero: Capricorno denique Cancrum:
 Piscibus Erigonen: Iuuenique, Vrnaque, Leonem.
 Scorpium è summo cum fulget, Taurus in imo est:
 Dum cadit Arcitenens, Gemini tolluntur in altum:
 Et contrà: oppositus Signorum sic meat ordo.

Opposita
 Signa.

Signa opposita, quando, & quomodo amica, vel
 inimica dicenda.

Sint licet ex positu in cælo contraria Signa:
 Naturâ tamen interdum sociata feruntur:
 Quod sic demonstro: Pisces & Virginis astrum,
 Quanquam aduersa volent, seruant communia iura,
 Et vincit natura locum: sed vincitur ipsa
 Temporibus: sic tu Cancro, Capricorne, repugnas:
 Fœmina fœmineo: quia Brumæ dissidet Aestas.
 Sunt illinc glacies, niuibûsque albertia rura:
 Hinc, sitis, & sudor, mortales vsque fatigant:
 Sunt illinc luces minima, noctesque profunda:
 Hinc, proluxa dies, ac nox breuis, & propè nulla:
 Ergo, si posthac homines, aut regna videbis
 Opponi, pugnare quoque, & contraria velle:
 Tolle oculos sursum, nec quid mirare, patebunt
 Stellato in cælo (natura si modò prudens
 Observator eris) quæ deòsum stantque, vigentque.
 An non Lanigero Signum, libraque, repugnant
 Parte aliqua? non Ver, Autumnus à tempore differt?
 Fructibus hinc turget maturis, floribus illud:
 Hic, siccescit iners, illud, frondetque, vireretque,
 Conueniunt, quòd habent similes noctesque, diesque:
 Temporaque efficiunt vno concordia textu:

Signorum
 quorundâ
 collatiões
 penes simi
 litudinẽ &
 dissimili
 tudinem.

Philoso
 phica &
 pulchra.

Ver & Au
 tumnus.

ZODIACI LIBER SECVNDVS.

Atque dies pariunt medios hyemem inter, & æstum.

Signa dextra & sinistra, ex quibus aspectus tam dextri, quàm sinistri colliguntur.

Signa priora, tibi sint dextra, læua sequantur:
 Dexter Lanigero Arcitenens est: & Leo læuus.
 Dexter erit Tauro Capricornus, Virgo sinistra.
 Pisces sunt Geminis dextri, Libra est quoque læua:
 Id satis exempli, nam per te cætera disces.

Signorum inimiciæ & cõcordiæ penes aspectus, iuxta vulgatum Astrologorum modum.

Oppositis Signis odium est: quæis iunge quadrata:
 Tolle trigona, simul sex angula, nam sibi constant
 Totâ Signorum naturâ, parte vel vna:
 Discordant reliquâ, ex vario nexûque, modoque.

Aspectus
amici, &
contra.

Signorum Zodiaci partes, octo & viginti, à pri-
 scis Astronomis Lunæ mansiones, siue peragra-
 tiones inscriptæ: quarum supputatio ad hæc tẽ-
 pora, fideli calculo accõmodatur: cum auræ com-
 mctionibus quas cient plurimum.

Tractus
Zodiaci
octo & vi-
ginti, qui
Lunæ mā-
siones to-
tidem con-
stituent.
Primus.

Secūdus.

Tertius.

LUnahabet in Signis octonos & decies bis
 Tractus, quos peragrans, diuersis motibus (vt sunt
 Natura illorum) seu spectes aera, siue
 Acquor, tellurem, necnon & corpora nostra,
 Miris vsque modis agit, conturbat, & vrget.
 Primus, Lanigero vigena à parte, recurrit
 In trinam Tauri: & siccus censetur abunde:
 Inde, secundus abit Tauri ad sextam decimamque:
 Et passim Astronomis exponitur humidus esse.
 Tertius, eiusdem (lentè satis) vltima ferme
 Calcat: eique datur meritò natura prioris.

Hinc

| | |
|---|-----------|
| <i>Hinc petit vndecimam quartus fratrum Geminorum:</i> | Quartus. |
| <i>Quem poteris siccum, vel summo iure, vocare.</i> | |
| <i>Quintus ab hoc properans, vigenam tangit eorum</i> | Quintus. |
| <i>Cum quarta: cui temperies narratur amica.</i> | |
| <i>Ostipedis Cancris septenam sextus, & vltra</i> | Sextus. |
| <i>Illinc assequitur, fundendis imbribus aptus.</i> | |
| <i>Septimus, eiusdem ad vigenam extenditur, atque</i> | Septimus. |
| <i>Temperiem (vt quidam tradunt) nebulasve ministrat.</i> | |
| <i>Hinc octauus adit, seui, rapidique Leonis</i> | Octauus. |
| <i>Ternam: quam siccum tempus comitarier aiunt.</i> | |
| <i>Illinc, eiusdem sextam repetit, decimamque</i> | Nonus. |
| <i>Nonus, aquas variis spargens regionibus: à quo</i> | |
| <i>Se confert decimus fermè ad postrema Leonis:</i> | Decimus. |
| <i>Hic vbi temperiem, vel siccam nuntiat auram.</i> | |
| <i>Virginis vndecimus tenet hinc partem duodenam:</i> | Vndeci- |
| <i>Siccus nonnullis, aliis humore madescens:</i> | mus. |
| <i>Qui post hunc surgit, vigenam Virginis, atque</i> | Duodeci- |
| <i>Quartam consequitur, cui multi temperiem dant.</i> | mus. |
| <i>Tertius & decimus, Libræ hinc spaciatur ad usque</i> | Decimus |
| <i>Octauam: cui sæpe dato humores mediocres.</i> | tertius. |
| <i>Quartus cum decimo, in vigenam profilit illinc</i> | Decimus |
| <i>Eiusdem: humentem dicunt, siccum esse putamus.</i> | quartus. |
| <i>Mox decimus quintus se ad ternam porrigit inde</i> | Decimus |
| <i>Scorpî: qui friget satis, estq; humore molestus.</i> | quintus. |
| <i>Cum sexto decimus, petit hinc sextam decimamque</i> | Decimus |
| <i>Ipsiusmet: habetque vndas persæpe propinquas.</i> | sextus. |
| <i>Septimus & decimus concedit ad vltima Scorpî</i> | Decimus |
| <i>Illinc, per crebro siccis comitantibus auris.</i> | septimus. |
| <i>Inde Sagittiferi rectâ meat ad duodenam</i> | Decimus |
| <i>Cum decimo octauus, pluuiis quandoque refertus.</i> | octauus. |
| <i>Hinc ad quintam & vigenam, nonus decimusque</i> | Decimus |
| | nonus. |

ZODIACI LIBER SECVNDVS.

- Vigefim⁹. *Se recipit: satis atque satis pro tempore siccus.
Ex hoc, bis denus complectitur Aegocerotos
Septenam: sudum faciens humore remixto.*
- Vigefimus primus *Vigenam eiusdem vigefimus occupat atque
Primus, profundens partim sicca, humida partim.*
- Vigefimus secundus. *Moxque secundus ab hoc, nec non vigefimus, vsque
In ternam Hydrochoi pergit, pluriásque ministrat:*
- Vigefimus tertius. *Ad decimam hinc sextam vigenus trinus oberrat:
Cui dant temperiem, & paruo cum frigore lympham.*
- Vigefimus quartus. *Qui sectatur eum, ad postrema recurrit Aquarij:
Siccum nonnullis, aliis madidum aera reddens.*
- Vigefimus quintus. *Hinc, Pisces quintum vigenumque, ad duodenam
Mensurant: cui sunt comites crebrò vnda, madórque.*
- Vigefimus sextus. *Inde abit ad quartam & vigenam, sextus, abundans
Supra vigenum, siccus, pluuiúsque frequenter.*
- Vigefimus septimus. *Proximus in partem septenam extenditur vsque
Lanigeri: nunc hoc, nunc illud tempus ad augens.*
- Vigefimus octauus & vltimus. *Octauus supra vigenum, ac vltimus, implet
Curriculum Luna peragratis vndique Signis:
Nam redit ad tractum ex quo primùm cœperat ire:
Hic vbi temperiem facit, ac siccum aera præbet.*

ADMONITIO in præcedentia, non negligenda.

Dum Phæbe Soli, aut reliquis coniungitur astris:
Vel valido aspectu illorum commercia quarit:
Quales dicentur tractus quos tum peragrabit:

Hæc sum- *Aeris expectanda venit commotio talis:*
mopere, p *Si stella simili de Signo, ac parte fauebunt:*
cómotio- *Ni tum causa potens aliunde obstatque, vetetque:*
nib⁹ aeris *Quam docti Astronomi, paruo, facilique labore*
notanda *Expedient: quod ad aspectus etiam potes omneis*
sunt. *Stellarum*

Stellarum

AVTORE ANTO. MIZALDO

Stellarum inter se, prudenti aptare Minerva.

Signum Zodiaci à quo Ver Astronomis initiatur:
cum pulchra ipsius Veris descriptione ac natura.

L Aniger, ad Cancri properantem tectula Phœbum, Ver quando aufpicetur.
(Dum redit à Capro, & cōmutat frigus in æstum,)

Inter principium ascensus, finemque coerces:

Hic ubi Ver reuehit, victumque ad sidera Brumæ,

Vincere rite diem facit, & succumbere nocteis.

Tunc varios satagit flores emittere tellus:

Tunc noua gemma tumet grauido de palmitè Bacchi:

Tunc pecudum, volucrumque genus per pabula leta

Incumbit proli, & Veneri: totumque canora

Voce nemus resonat: frondemque virescit in altam:

Tunc cælum ridet: tunc lapsas vsque reponit

Sylua comas: veteresque canit philomela querelas:

Floribus ornatè crines per prata Napeæ

Deducunt choreas: Dryades, Satyrìque petulci

Carmina muscosis iterant lasciuia sub antris:

Viribus in tantum cæli natura mouetur.

Signum Zodiaci à quo Aestas Astronomis initiatur, cum pulchra ipsius Aestatis descriptione, ac pictura.

P Hæbus ad ardentis veniens fastigia Cancri,

Extendit lucem summam, paruòque recessu

Destruit: & quanto hanc defraudat tempore, tanto

Prolongat nocteis, donec videat Capricornum.

Tunc æstum nobis perfert sudore molestum:

Tunc Cererem fragili properat distringere culmo

Messor: tum pelagus calfactis æstuat vndis:

Tunc & bella fero tractantur Marte cruenta:

Inque Canes rabiem ducuntur, & omnia feruent:

Multá-

Pulcher-
rima Veris
descriptio

Aestas vbi
aufpicetur.

Pulcherri-
ma Aesta-
tis descri-
ptio.

ZODIACI LIBER SECVNDVS.

*Multaque pro sterili conduntur tempore Brumæ:
Aurea mala, nuces, fruges, pira, cærea pruna,
Necnon caseoli, vestes, mel, amigdala, ficus,
Herbæ, flores, ligna, legumina, denique quiduis.*

Signum Zodiaci à quo Autūnus initiatur: cum
propria ipsius Autumni descriptione ac pictura.

Autūnus
quādo au-
spicetur.

Libra diem socians equali tempore nocti,
Cum primum vidit clarissima numina Phœbi,
Et iussit victas vsque ad se, vincere nocteis,
Pestiferum Autūnum miseris mortalibus adfert:
Quo, modò frigoribus premimur, modò soluimur æstu:
Aerè que incerto, morbis ac peste grauamur.
Tunc Liber gruida descendit gratus ab vna:
Dulciæque expressis despumant musta racemis:
Tunc ad aratra boues veniunt, dum terra tepore
Autumni resoluta patet: dum semina captat.

Pulcherri-
ma Autū-
ni descri-
ptio.

Signum Zodiaci à quo Hyems auspicatur, cū
propria ipsius Hyemis descriptione ac pictura.

Hyems
quādo au-
spicetur.

Horrifer, his oris, Brumã Capricornus inertè
Per minima stringit luces, & maxima noctis
Tempora: sed tamen ille diem producere tentat
Sensim: pro Solis motu, Signique recessu.
Tunc riget omnis ager, clausum est mare, castra sepulta:
Tunc homines latitant, necnon genus omne ferarum,
Frigoribus nimis cælo, terræque refusis:
Vnde per Aestatem partis tum rite fruuntur,
Vt formica: pigros hac passim voce laceffens:
Aestas non aderit semper, conquirite grana,
Dum tempus cereale viget: citò præterit illud.

Pulcher-
rima Hie-
mis descri-
ptio.

I Signa tria dictis tempestat. deputari.
Ipsa quoque his anni clauduntur tempora Signis:

AVTORE ANTO. MIZALDO.

*Sunt. Aries, Taurus, Gemini, tria sidera Veris:
Aestatem Cancer, Leo trux, cum Virgine complent:
Scorpius Autūnum, & duplici cum Lance, Sagitta:
Deinde Hyemi Pisceis, Capricornus, Aquarius adsunt.*

Triades
quatuor
anni tép-
statum.

Ab Ariete, siue ab Aequinoctio vernali, gentes
plærasque suum annum olim inchoastè.

Quidam (si nescis) post frigida tempora Brumæ,
Cum premit auratos Nephelæi velleris artus
Phæbus: & imbriferū rediit Ver: oīa quādo
Floribus arriident: quando omnis germinat arbos,
Cum viret omne nemus, resonant dum frondea rura
Concentu volucrum vario, pecudésque, feræque
In venerem exultant, & amor, venit omnibus idem,
Hinc anni ingressum statuère, & limina prima.

Veris na-
tura.

A Cæcro, siue ab æstiuo Solstit. géteis plærasq; &c.

Sunt apud antiquos, qui è summo culmine cœli
Quâ regnat calor, & vectores Phæbus anhelos
Sistit carceribus positis, exordia prima:
Anni surgentis fecere, ac atria prima
Nam tum flava Ceres, necnon Pomona triumphant:
Ec latè omniferis ditescit mundus ab aruis.

Æstatis
natura.

A Libra, siue ab autūn. Aequinoct. géteis plærasq; &c.

Nonnullos dabo, qui qua brachia parte reponit
Signiferi, chelâsque audaciùs exerit, acer
Scorpius, hic, anni primos aditus statuère,
Et primam fecère viam: nam partibus aquis
Distribuit lucem, atque umbras Sol optimus illic:
Ac noctem paribus suspendit vbique diebus:
Ad des, quod tellus prolatis fructibus, atque
Omnigenis granis, Bacchi cellaria complet:

Autūni
natura.

Vnde

ZODIACI LIBER, SECVNDVS.

Vnde fluunt risus, & pauper cornua sumit.

A Capricorno, siue à Solstitio hyberno, gentes plerasque &c.

Hyemis
natura.

AT Numa, frigoribus per iniquū tempus (vbi ingēs
Declinat cælum, & gelidum Sol Aegocerotæ
Pronus adit, pronóque petit spacia vltima cursu,
Linquens Antipodum sedes, festinus & Austro
Ad Boream ascendit sinuoso calle. diémque
Auget, & obscuras nocti tum surripit umbras)
Anni principium Romanis adidit olim:
Quòd tunc terra suos fœtus emisit omneis:
Atque nouos reparct, stellis, cæloque fauente.

Signa Zodiaci cum suis Planetis, quos ventos
excitent secundum nonnullos.

Signa i-
gnea quos
vétos ex-
citant.

Ventorum flatus variant, variantibus astris:
Ignea præcipitem Boream, & rigidissima claustris
Arctois flabra emittunt, glaciémque, niuémque:
Sæpe tamen vicino Arics de tramite Cauros
(Immissum Zephyro, ac Boreæ genus) euocat antris.

Aquea.

Humida Signa etiam humentes referentia flatus
Oceanis, occiduos motus, aurámque Fauonij
Sollicitant: tamen & Libycis procul excita arenis
Flabra ciant, Zephyro translata frequēter, ad Austrum.

Terrea.

Sic plarisque Notum, terrestria Signa refundunt:
Et nimis ingrato nobis afflamine perflant:

Aerea.

Ast, Eurúmque, Eurique domos, Nabathaæque regna
Aeris agnoscunt, & habent tria lucida Signa:
Si Luna, & proprij conspirent rite Planeta.

Signis Zodiaci, septem mundi climata subiici,
& ascribi: propriosque ibi Planetas duces, ac re-

ctores

AVTORE ANTO. MIZALDO.

*Stores habere: quorum naturam subdita climata
plærunque referunt.*

Astronomi veteres terrestria climata septem,
Signis Zodiaci tribuerunt, ordine tali:
Vrñigero primum celsit, necnon Capricorno:
Cui dux præficitur Saturnus siccus & exlex.
Cheirona & Pisces narrant spectare secundum:
Iupiter est dominus, gemmarum diues, & auri.
Tertium habere Nepam dixerunt, Lanigerumque:
Cui Mars imperitat, bellis & sanguine notus.
Quartum rite Leo prisco sibi fœdere iungit:
Pro rectore tenēs Phœbum gravitate verendum:
Taurus cum Libra quintum petiēre regendum:
Atque ducem Venerem, luxu, pompæque fluentem.
Iure bono sextum Geminis, ac Virgine gaudet:
Ductor Mercurius, mercis, linguæq; magister:
Postremum Cancer solus sibi vendicat: atque
Agnoscit Phœben dominam, subitâque, leuēmq;
Qualis erit rector, subiectos credito tales.

Signis Zodiaci, ac itē Planetis, certas orbis ter-
rarum regiones subiici. Ex quo, tot & rerum, &
figurarum varietates, ac particulares proprietata-
rum distributiones emergere solent.

Rite Deus mundum in parteis diuisit, & astra
Cuique dedit parti cum summo iure: tulitque
Vt terras alias aliud sibi vendicet astrum:
Scilicet hinc varium genus est hominum, variaq;
Leges, & varia mentes, variaq; figura:
Adde sonos totidem vocum: totidem inferre linguas:
Et mores pro sorte pares, ritusque locorum:
Adde genus varium, simili sub semine, frugum:

Et Cererem

Vnde tāta
varietas in
rebus hu-
manis, &
naturæ.

ZODIACI LIBER SECVNDVS.

*Et Cererem varia redeuntem messe per orbem:
Ac Bacchum grato d'antem sua munera gustu:
Atque alias aliis fundentem collibus vuas:
Adde feras, variis genitas formisque, locisque:
Necnon & gemmas, & fructus, atque metalla:
Quæ varias vireis retinent, variisque colores.
Ex quo, crediderim rectè scripssisse vetustos,*

Pulchra,
& notatu
dignissi-
ma.

*Quòd cælum passim producit, non ager: & quòd
Inferiora vigent radiis moderata supernis,
Ac proprium sidus sortitur qualibet ora.
Scilicet hinc omnes terræ, non omnia possunt:
Atque hîc sunt segetes, ibi cinnama, pascua, flores,
Arborei fœtus alibi, lapidesque, feraq;.
Nam cælo natura subest, cælo omnia parent.
Ergo, sunt ascripta locis variis, varia astra.
Lumine quæ & motu moderantur subdita, quorum
Ista tibi paucis dabitur numeratio prisca.*

Signo Arietis subditæ regiones, ex prisorum
nomenclatura.

L *Anigerum in primis veneratur tota Propontis,
Et Syria gentes, & laxo Persis amictu:
Necnon Aegyptus, cui hærentes iungito terras.*

Signo Tauri subditæ, &c.

T *Aurus habet Scythiæ tractus, Asiâque potentem:
Et mollis Arabas, Iudæa ditia regna:
Necnon & Cyprum, ac genteis, vrbeisque propinquas.*

Signo geminorum subditæ, &c.

E *Vxinus pontus Scythicas sinuatus in oras,
Sub Geminis te Phœbe colit, Gangésque profundus:
Quæis loca connumeræ vicino limite iuncta.*

Signo

AVTORE ANTO. MIZALDO

Signo Cancri subditæ, &c.

ARdent Aethiopes Cancro, quibus est calor ingens:
Quod color ipse docet: substernitur India Cancro.

Signo Leonis subditæ, &c.

TE metuende Leo Phryx suspicit: atque pauescit
Cappadocum, Armeniæq; iugis Bithynnia dives:
Te timet & Macedum tellus, quæ viccrat orbem.

Signo Virginis subditæ, &c.

Virgine sub casta celebris terræque, marique
Est Rhodus, Ioniaq; vrbes, & Dorica castra:
Arcades antiqui, celebratæque Caria famâ.

Signo Libræ subditæ, &c.

Hesperiam modò Libra tenet (quâ condita Roma)
Necnon vicinas genteis, populosque propinquos:
Ac Libyam, Aegyptique latus, cognatæque regna.

Signo Scorpij subditæ, &c.

Thyrrhenas arceis tutatur Scorpius: vnâ
Sardiniamque regit: fusasque per æquora terras.

Signo Sagittarij subditæ, &c.

Gnosia Centauro tellus circumdata ponto
Paret: Trinacriam socio sibi fœdere iungens:
Quam sequitur Crete, sub eodem condita Signo.

Signo Capricorni subditæ, &c.

TV Capricorne tenes, quidquid sub Sole cadente
Est positum: gelidamq; Helicem quod tãgit: adoptas
Hispanos, celebresque animis, ac corpore Gallos.

Signo Aquarij subditæ, &c.

VNdas effundens iuuenili corpore Signum,
Cum Tyriis, Cilices, & proxima regna gubernat.

Signo

ZODIACI LIBER SECVNDVS.

Signo Piscium subditæ, &c.

Piscibus Euphrates seruit, Parthique fugaces,
Et Tigris, & rubri notissima littora Ponti.

ADMONITIO.

Si quis plura volet, poterit percurrere solers,
Quæ sunt à nobis in libro scripta secundo,
Quem nuper dedimus de visis crebrò Cometis:

Vide librũ
2. Come-
tographiæ
nostræ.

Illic persequimur regiones, oppida, & vrbeis,
Quæ cuius parent Signo, vt sensere periti.

Signorum triplicitates fœdere tacito, cœlestia de-
creta omnibus regionibus quas subiectas habent
ex æquo cõmunicare. Adhęc, regiones regionibus,
vt Signa Signis alicubi conuenire, alibi dissentire.

Sic diuisa manet tellus per singula Signa:
A quibus in proprias terras sunt iura trahenda:
Namque eadem, quæ sunt Signis, commercia seruant:
Vtque illa inter se cocunt, odiòque repugnant,
Nunc aduersa sibi, nunc & sociata decenter,
Sic terra terris, arua aruis, vrbibus vrbes
Discordant, pugnant, sociantur, conueniuntque:
Hinc erit & sedes fugienda, petendaque cuique
Hic modò, nunc alibi (vt Signum natale doccebit)
Hic quærenda salus, & ibi metuenda pericla:
Nam quod inest terris, cœlo descendit ab alto.

Philoso-
phica &
summè no-
tanda.

Signorum Zodiaci decreta (vti etiam Planeta-
rum) ob regionum situs, ac naturas, plærunque
impediri ac mutari. Ex quo, varia locis variis
conceduntur, aliis negantur.

Nespernas terræ positus, ac flumina: & ipsos
Aspice arenosi tractus maris: aspice monteis

Montibus

AVTORE ANTO. MIZALDO.

Montibus impositos, & declinantia in imas
 Conualleis loca: & acris superindita saxis
 Oppida: non idem obtutus, posituraque cœli
 Omnibus est eadem: nec Sol bonus omnibus idem:
 Non similis natura soli, non ætheris aura.
 Hinc variant mores, variat natura locorum:
 Et tempestatum motusque, vicissique per orbem:
 Unde fit, ut pluvia nostrates, nix alibi sint:
 Atque niues grando, tonitru ventus, pluviaq̃.
 Insuper agricola hic, nauta illic, armigerique,
 Insignes alibi auriga, rabulaq̃ forenses
 Vere nascantur: cœloque, soloque fauente:
 Et sic de reliquis, ne sim narrando molestus.

Locorum
 positiones
 & situs cū
 cœlo ne-
 gli non
 debere.

Signa Zodiaci hominum membris attributa : &
 quando morbos, aut vitia portentant.

VT terras alias aliud sibi vendicat astrum,
 Sic alias aliud de nostro corpore parteis,
 Quodcumque id fuerit Signum, sibi iure reposcit:
 Unde Aries capiti, Taurus cervicibus hæret:
 Brachia sunt Geminis: censentur pectora Cancro:
 Te stomachus Nemeæ vocat, teque ilia Virgo:
 Libra colit cluneis, & Scorpius inguine gaudet:
 Arcitenens femore: & genibus Capricornus: aquarum
 Fusor habet crura: & gemini vestigia Pisces.
 Si malè fortunatus erit, languensue Planeta
 In Signis istis, membrum quod subdiur, anget
 Morbo, vel vitio, reliquis testantibus, ut fert
 Ars: quâ sub cœlo non est diuinior vlla:
 Sit modò circum spectè tractata, atque peritè,
 Et non indocto lucrandi turpiter ausu.
 Sed satis hæc, & fortè nimis: nunc scribere restat,

Partes hu-
 mani cor-
 poris Sig-
 nis depu-
 tatæ.

D Quos

ZODIACI LIBER SECVNDVS.

*Quos mores animis nascentum Signa refundant:
Ne tibi me quidquam dicas voluisse negare:
Qui prodesse, fauere, iuuare, ac vtilis esse
Optavi semper: necnon cœlestia certos
Vsus ferre tibi, & gratis dare commoda mille:
Id quod præcipuum (cum multis) arbitror esse:
Non solum in rebus cœli, sed qualibet arte.*

FINIS LIBRI SECVNDI ZO-
diaci, siue Hortuli duodecim Signo-
rum cœli Autore Antonio
Mizaldo Monluciano.

LIBER TERTIVS ZO- diaci, seu Hortuli duodecim Signo- rum cœli, Autore Anton. Mi- zaldo Monluciano.

Signa Zodiaci, suam pacem, suâque bella habe-
re: quemadmodum homines qui sub illis nascun-
tur: vbi de trigonorum conciliatione, & contrâ.



*As est, vt monui, Signis, & pri-
sca querela:*

*Quam sequitur mundus, qui cœlo
seruit vbiq̃ue:*

*Ergo, si cognata cupis dignoscere
Signa:*

Et quid habent commune sub his fœtus bene nati:

Lanigeri partum proprio coniunge trigono:

Cui fœdus socium sociali tradito lege:

Simplicior tamen est Aries, meliôrque Leone:

Qui sub te natos etiam, ô Centaure, libenter

(Præsertim qua parte refers hominem) colit, atque

Prosequitur: namque est naturâ mitius astrum:

Expositumque suæ noxæ, sine fraude, dolôque:

Nec minùs ingenio molli, quàm corpore constans:

Est aliis feritas ingens, prædaq̃, cupido:

Venalisque animus, qui sæpe excedere cogit

Commoditate fidem: nec longa est gratia facti.

Est vbi Lanigeri partus cum fratre trigono

Non gaudet, sed crebra gerit pro tempore bella:

Quod feritas vtriusque parit, compellit, & instat:

Plus tamen in duplici tribuendum roboris esset

Signa ig-
nea quo-
modo in-
ter se con-
ueniant, &
dissentiat.

Hæc sunt
diligenter
adnotâda.

ZODIACI LIBER TERTIVS.

Cui commixtus homo est, quàm te, Nemeæ, sub vno.
Signa ter- *Quinetiam Tauri Capricorno iungitur aſtrum:*
rea. *Sed rarò sub eis coeunt ad fœdera mentes:*
At, qui Virgineos partus quocunque creabit
Tempore, Taurinos amplexabuntur vbique:
Signa. *Quosque ferunt Chelæ: & quos mittit Aquarius ortus,*
Aerea. *Vnum pectus habent, fideique immobile vinclum.*
Magnus erit Geminis amor, & concordia summa:
Magnus & in multos erit hinc ſuccellus amicos.
Signa *Scorpius, & Cancer fraterna in nomina ducunt*
Aquea. *Ex ſemet genitos: necnon & Piſcibus orti*
Concordant: illis ſed ſæpe eſt ſubdolus aſtus.
Scorpius aſpergit noxas ſub nomine amici.
Quæis porrò in lucem Piſces venientibus adſunt,
His non vna manet ſemper ſententia cordi:
Commutant animos, interdum & fœdera rumpunt:
Ac repetunt, tectèque lues ſub fronte vagantur.
Sic erit ex Signis odium tibi, paxque notanda:
Vnde tam *Necnon diſſimiles, ſimilèſue per omnia ſenſus:*
varia ſtu- *Hinc multos cernes (modò non ſis fungus, & infans)*
dia, & vo- *Qui quosdam affectant, alios fugiuntque, timèntque:*
luntates in *Horum odio, iſtorum contrà ducuntur amore:*
hominib⁹ *Illis inſidias tendunt, captantur ab illis:*
Fratri bella gerunt, aliena ſede creatis
Coniunctos animos tradunt, ſeruântque per auum.

ADMONITIO in iam dicta.

Hic tutum non eſt ſolis inſiſtere Signis:
 Contemplare locum cœli, ſed èmque $\tau\lambda\alpha\nu\eta\tau\omega\rho$:
 Et quo ſe Signa aſpectu videântque, petântque:
 Nam ſua quadrato, veniunt ſua iura trigono:
 Et quæ per ſenos decurrit virgula tractus,

Quæque

AVTORE ANTO. MIZALDO.

*Quæque secat medium transuerso limite cælum,
Huic modò dat firmam pacem, modò detrahít illi.
Te reliqua Astrologi, vel me reticente, docebunt.*

Signa mobilia, quæ studia, quâsve arteis & sensus
natis sub se concilient.

Signa quoque infausto sese spectantia vultu,
Mobilia Astronomis vulgari nomine dicta,
Dant varias animorum arteis: nam prædita motu
Quæque cito, celeres sensus, agitátque longè
Ingenerant studia, & penetrabile mentis acumen:
Atque habiles ad laudem homines, ciuiliâque acta
Accendunt: quos cura Deûm, & solertia cæli
Permultum quandoque iuuat: sæpe his furor ille
Faticinus menteis ornat, panditque futura.

Nati sub
Signis mo-
bilibus.

Signa fixa quæ studia, quâsve &c.

Et curas animi tacitas, frontémque seueram,
Ac graue consiliis pectus rigidúmque, tenâxque
Iudicium, & non fictum verba sonantia verum,
Fixa dabunt: eadem argentique, eadem æmula honorum
Fomenta adiiciunt multis: hinc densa clientum
Agmina delectant: hinc & certamine in omni
Peruicisse volunt: commentaque pectoris, acri
Exponunt studio, atque operâ peragenda tenaci
Complent: queis defixa manet sententia cordi.

Nati sub
Signis fi-
xis.

Signa communia quæ studia, &c.

Quæ docti Astronomi vocitant communia Signa,
Instabileis reddunt animos, sensûsque vagantcis
Alternant: nil certum vnquã variantia corda
Insequitur: non firma quidem est sententia: verùm
Mens habilis: resque ad varias versatile pectus:

Nati sub
Signis cõ-
munibus.

ZODIACI LIBER TERTIVS.

Nunc amor, atque Lyrae studium, somnūsque, Venūsque,
Ociāque, ignavos reddunt, & pectore molli.
Sunt quandoque tamen rebus cœlestibus apti:
Ac musis scribunt, & Phœbo carmina digna.

Signum Zodiaci quodlibet, quas arteis particulatum, de propria natura ac imagine seorsum agnoscat, & natis sub se, occultè conciliet.

Genethlia
logica bre
uissima.

Curabit lanas Aries, ac Taurus aratra:
Et Gemini musas: merces bene Cancer amabit:
Nasceturque Leo venator: Virgo magistra:
Libra potens veniet mensuris: Scorpius armis:
Centaurūsque feris: cursu Capricornus: & vndis
Fusor aqua: gemini gaudebunt equore Pisces.
Si mixta in plureis sociantur sidera vireis,
Tunc alias arteis tribuunt: pro lege, modoque,
Mixtorum: quibus adiunges ex arte Planetas.

Notandū.

Signa cœli, & stellas, suas habere eclipseis, & luminum actionūmq; ad certum tempus interceptiones. Quod res mundi huius inferioris, quæ ab illis pendent, experiuntur ac sustinent.

Nihil ppe
tuū, & li-
bi semper
simile in
mundo.

Accipe nunc etiam paucis, ecliptica Signa
Cœli: quæ certos quasi de lassata per annos,
Nonnunquam cessant sterili torpentia luce:
Scilicet in toto nihil est durabile mundo:
Perpetuōsque gerit vultus, vnumque tenorem
Seruat: & in simili se præbet imagine semper.
Nunc fœcunda suis subsistunt frugibus arua:
Nunc solitos rennuunt fructus, luduntque labores:
Rursum, quæ fuerant steriles ad semina terra,
Post, noua sufficiunt nullo mandante tributa,
Atque iterum in semet redeant: sic tempore certo

Signa

AUTORE ANTO. MIZALDO.

Signa suis spoliata iacent virtutibus, atque
Lumine priuantur, rursus illustrantur eodem:
Hoc patet in Luna (dum verè deficit) igne
Orba sui fratris, noctisq; immersa tenebris:
Cum medius Phœbi radios intercipit orbis
Terrarum, impediens ne tanta luce fruatur,
Nec trahat ad sese lumen, quo lucida fulget
Cynthia: quapropter fusco velatur amictu:
Et mundi sursum nigro flet damna colore:
Certè hîc Signa suo pariter cum sidere languent:
Ac solitum ponunt pullata fronte vigorem:
Et veluti extinctam Phœben in funere lugent:
Quam vicina gemunt etiam, cognatâque Signa:
Et quæ sunt illis ex ordine strata deorsum:
Tantum conspirant cum summis infima semper.

Eclipsis
Lunæ.

Affectis su-
periorib⁹,
inferiora
affici.

Signum Arietis in alicuius natiuitate ascendens,
vel Horoscopus constituens, quid plurimum si-
gnificet per curriculum vitæ nati. Adhęc, quos il-
li mores, & quæ studia appingat.

Nunc tibi diuersos mores, legesque, notasque,
Ac studij motus varios ex ordine pandam,
Quos Signum quodcumque dabit nascentibus, ipsum
Si ascendens teneat labentis tempore partus.
Ergo, vbi se summis Arietis extollit ab undis,
Et ceruicè prior flexis quoque cornibus exit,
Qui tum nascetur, vitali lumine gaudens,
Non contenta suo gestabit pectora sensu:
Ac dabit in prædas animos, soluétque pudorem:
Ingenteis nunc diuitias cumulabit, opumque
Proferet vnd anteis riuos: nunc rursus in arctam
Pauperiem miser excurreret: nam sideris huius

Natorum
sub Ariete
pictura.

D iij Est mutare

ZODIACI LIBER TERTIVS.

*Est mutare viceis, alternaque fata referre:
 Insuper, ignotum faciet transire per orbem:
 Scrutarique nouum pelagus: totius & esse
 Orbis in hospitio: testis tibi Laniger ille,
 Qui vitreum findens aurato vellere Pontum,
 Orbatumque sua Phryxum per fata sorore
 Phasidos ad ripas, & Colchica terga reuexit.
 Mittet & in vulgum sic natus, mille per arcis
 Vellera, diuersos ex se parientia quastus:
 Præterea discet (nisi quis pugnauerit illi)
 Conglomerare rudes, nunc rursus soluere lanas:
 Ducere nunc telas, & textas vendere vesteis.
 Astrologi reliqua exponunt: quos consule solers:
 Propterea quod habet cælum sua condita sacra:
 In qua non promptè quiuis penetrabit asellus.*

Pro hisvi-
de Argo-
nautica.

Lanifici,
& textor-
es.

Signum Tauri in alicuius natiuitate ascen-
dens, &c.

Natorum
sub Tau-
ro pictura

HI quos prima vident nascentis sidera Tauri,
*Semina mandabunt terris, & segnia rura
 Vomere profcindent: soluentq; in puluere pectus
 Prudens: nonne suo Dictator venit aratro?*

Cur Tau-
rus fœmi-
neos gignit.
nat.

*Illa eadem facient, maiorum natus vt omneis
 Perdat opes: sed eas longo post tempore, & ipsos
 Successus rerum amplificat: semperq; superbum
 Prosternit (si quis contra surrexerit) hostem:
 Verum fœmineos gignit, iustissima causa est
 (Si modò per causas cœlestia quærere fas est)
 Auersus venit in cælum, diuesq; puellis
 Pleiadum est Taurus: redolens muliebria passim.
 Addam, quod Veneris domus est, soliumq; Dianæ:
 Fœminei sexus quibus est data cura supernè.*

Signum

AVTORE ANTO. MIZALDO.

Signum Geminorum in natiuitate ascēdens, &c.

COelestes Gemini concordī fœdere iuncti,
Nonnullos natis ineunte atate labores
Portendunt: tamen haud illis pia cura parentum
Defuerit: nec blandus amor, nec amica voluntas:
Artibus imbutos decorant, sociantq̄, fideli
Principibus studio, quibus inseruire laborant:
Arma procul, lituósque volunt, ni concitet ardor:
Inueniunt & in astra vias, numerísque, modísque
Exornant arteis: labor his fit mira voluptas.
Cantus præterea, modulataq̄, vocibus ora,
Ac docti calami, necnon lectíßima verba
Sunt cordi: ludiq̄, placent, placet insuper ingens
Discendi desiderium, ni accederet vna
Impar natura ingenio: tamen artibus apta.

Natorum
sub Gemi
nis pictu-
ra.

Mathema-
tici, poë-
tæ, & mu-
fici.

Signum Cancrī in alicuius natiuitate ascendens, &c.

MIgrans è claustris maternis partus in auras,
Si testudineus prætendit brachia Cancer:
Illi diuino promittit munere multa:
Diuitiæ primùm ingentes, & copia rerum
Vndabit variarum, ac latis prædia campis
Sufficient latam Cererem, Bacchumq̄, fluentem.
Porrò, nobilitas, & claris insula vittis
Conferet insignes titulos, magnóque fauore:
Nonnunquam insidias cognati, ac sanguinis iram
Nuntiat, aduersósque inimica mente propinquos:
Ac varios tribuit quæstus, artémque lucrorum:
Merce peregrina victum captare per vrbeis,
Atque per ignotas commercia iungere terras,
Et rerum pretio subitos componere census
Cogit: zelotypos faciens, seuósque maritos.

Natorum
sub Cácro
pictura.

Mercato-
res, & in-
stitores.

Signum

ZODIACI LIBER TERTIVS.

Signum Leonis in alicuius natiuitate ascendens, &c.

Natorum sub Leone picture
CVi Leo vel primus rutilo fulgebit Olympo,
 Magnus erit: celebris que feret præconia fama:
 Fascibus incumbet, multumque inhiabit honori:
 Ac fiet diues, vigili, summoque labore:
 Atque nouas pugnas, necnon noua bella per orbem
 Inueniet: spoliis viuet, viuétque rapinis:
 Ingenium ad subitas iras, facileisque recessus
 Componens: sed erit sententia pectore firma:
 Ille parente carens, & natis, quas habet amplas
 Non legabit opes: sublatus fortè veneno,
 Aut casus gladio, subita vel morte vocatus.

Signum Virginis in alicuius natiuitate, &c.

Natorum sub virgine picture
SI dabit illustris Virgo incunabula vitæ:
 Hæc quamquam duros sub prima ætate labores
 Promittit: tamen in melius conuersa, beatæ
 Cana senectutis largitur tempora natis:
 Quos, & sacra Deum decorabunt: hisque fauebit
 Vel decus ingenio partum, aut præstantia linguæ:
 Artibus aut variis excultum pectus ad vnguem:
 Aut tabulæ extremæ, aut merces peregrina, forûmue.
 His amor, his studium est recti, & vetus illa priorum
 Simplicitas: his cara fides, pectusque Deorum
 Nitens præsidio: his fient insomnia vera.
 Quid petis hæc vltra? Virgo castissima, mentem
 Artibus exornat: nec tam compendia census,
 Quàm causas, vireisque monet perquirere rerum.
 Pictores fingit famâ super æthera notos:
 Necnon doctores legum, scribasque disertos,
 Et mirè artifices: queis præstet littera verbum:
 Quique notis linguam superent, cursumque loquentis.

Signum

AVTORE ANTO. MIZALDO.

Signum Libræ in alicuius natiuitate ascen-
dens, &c.

Sub Libra nati, nonnunquam pondera tractant:

Annonamq; vnguentaque, nec non munera Bacchi:

Sed variat fortuna, modo mutabilis omni:

Nam lasciui animum mores, & auara cupido

Insciunt: non est cordi sententia firma:

Splendida nec raris exurgit gloria factis:

Nunc aduersa fori disturbant iurgia: mille

Nunc lites, atque immeritis certamina causis.

In summa, nati sub Libra robore mentis

Sese confirmant: alios vincuntque ferendo:

Diuorumq; loca, & sanctissima templa frequentant.

Natorum
sub Libra
pictura.

Religiosi,
& patien-
tes.

Signum Scorpij in alicuius natiuitate ascendens, &c.

Quæ vitæ primam nascendo porrigit horam

Scorpius, ac huius reserat clausa ostia lucis:

Arteis inducit miras, & mentis acumen

Eximium: verum ira ingens, & pectoris æstus,

Ac varij exagitant motus: multumq; fatigant

Aduersa, & tamen hos fœlicia fata, potensque

Euentus manet: ac sobolis iucunda propago.

Atque vtinam non & patria tellure relicta,

Externas quarant vrbeis: nec prima sepulchro

Pignora dent: pro illis magnos subeantque labores.

Scorpius (vt paucis verbis tibi plurima claudam)

Ad bellum ardenteis animos, & martia corda

Efficit, ac fuso gaudentem sanguine natum,

Nec præda, quam cede magis: cumq; optima passim

Pax agitur, volat ad sylvas, & lustra ferarum:

Atque hostem sibi disquirit, cum bella quiescunt:

Exspolians, ingulans, inuadens, atque trucidans.

Natorum
sub Scor-
pio pictu-
ra.

Bellicosi,
grassato-
res ac py-
rata.

Signum

ZODIACI LIBER TERTIVS.

Signū Sagittarij in alicuius natiuitate ascen-
dens, &c.

Natorum
sub Sagit-
tario pi-
ctura.

IN cælo Cheiron quoties fulgentia primus
Ora effert, quicumq; nouas in luminis auras
Prodierit, quantum pelagi, & quot flumina obibit?
Quot terræ errantem excipient? quot perferet hosteis?
Et tamen insperata etiam patrimoniam adibit:
Publicaq; insigni geret ille negocia cura:
Ingenio bonus, atque arteis edoctus honestas:
Errores porro varios, hostemq; potentem
Indicat: insidiâsque, & multa pericula vitæ:
Nonnunquam satagit celeres emittere currus:
Ardenteis & equos ad mollia ducere frena:
Ac latis armenta sequi pascentia campis:
Quadrupedum omne genus positis domitare magistris:
Exorare Tygres: rabiemque auferre Leoni:
Cùmque Elephante loqui: tantamque aptare loquendo
Artibus humanis varia ad spectacula molem:
Quippe fera mixtum est hominis per sidera corpus:
Vtq; intenta gerit curuato spicula cornu,
Sic venatores fingit, doctosque sagittæ:
Ac nervos tribuit membris, & acumina cordi:
Motus perceleres, & vix lassabile corpus:
Pectora clara mouens, bello, magnisq; triumphis
Conspicuum, patrias victorem ducit ad adeis:
Qui nunc constituet, nunc condita mœnia vertet.
Quandoque, Arcitenens libris largitur, & arte
Cogere sub numeros verba, atque innectere chordis:
Noscere plantarum vireis, vsunque medendi:
Et curare manu vulnus, verbisq; leuare:
Ac sedare animos, & vincere dura ferendo.

Animaliū
rectores,
ac ferarū
domito-
res.

Medici, &
chirurgi.

Signum

AVTORE ANTO. MIZALDO.

Signum Capricorni in alicuius natiuitate ascendens, &c.

Quem Caper exoriens nascentem respicit, ille
Rem faciet: cumulabit opes: sed sponte per orbem,
Visendi studio allectus, discurrat abunde:
Hunc amor in teneras stimulat crebrò puellas,
Ac dabit imperiis dominæ: verum arida postquam
Deserit sitis, & longè exsatiata libido,
Languet, multis odiis, ac verberè tundet:
Huic mens tectâ nimis premet altum corde dolorem:
Exteriùs monstrans aliud, quàm pectore claudat:
Vt tamen imponat populo, per templa frequenter
Errabit, superos simulata voce fatigans:
Nec satis hoc, Capricorne, homines perducis ad arteis
Ignis: nam quidquid nostros emittit in vsus
Vulcanus, poscítque nouas ad munera flammâs,
A te procedit: scrutari occulta metalla,
Depositâs & opes, terrâq; inquirere venas
Ostendis: quidquid carbonibus vsque paratur,
Quidquid & argento conflat, quidquid & auro,
Hoc tibi de prisco deberi iure fatemur:
Tractas præterea feruentibus æra caminis:
Addis & in vesteis studium, mercémque fugacem:
Sed tibi sordities propria est, inflatâque sæpe
Mens stupet, & rerum obscura caligine pendet.

Natorum
sub Capri
corno pi-
ctura.

Hypocri-
tæ.

Ferrarij
fabri, sar-
tores, & a-
lij.

Signum Aquarij in alicuius natiuitate ascendens, &c.

Si quis habere cupit partum docilemque, probumq;
Is debet nasci cum primus Aquarius exit,
Oceani linquens vnda, terramque salutans:
Namque bonas arteis solers tractabit: opesque
Inde sibi multas, fidôsque parabit amicos:

Natorum
sub Aqua-

Atque

ZODIACI LIBER TERTIVS.

rio pictu- *Atque suis illinc meritis, magnoque favore*
 ra. *Iunget amicitias primorum ex vrbe virorum:*
Munera quinetiā scriptis commissa tabellis,
Sive Deūm in templis diuina negocia curans,
Sentiet inuidiā vulnus, liuentiāque arma:
Hinc, & opes perdet, quas forti pectore fretus,
Ingenij donis, facili ratione reponet:
 Piscato- *Cognatas etiam largitur Aquarius artis:*
 res, & a- *Venari pisces, vndas inducere terris:*
 quarū cu- *Ac varios fabricare lacus, & querere fonteis:*
 radores. *Paucis, quidquid aqua præstant, hoc præstat & ille.*

Signum Piscium in alicuius natiuitate ascendens, & e

Natorum **I**lle vnus, quem cœruleo de gurgite Pisces
 sub Pesci- *Nascendo aspicient, Orientis in arce locati,*
 bus pictu- *Ignotas vrbeis viset: longūmque vagatus,*
 ra. *Notescet peregre externis nouus aduena terris.*
Quinetiā ingenioque valens, ac arte, per orbem
Magno erit in precio nonnunquam (fortè parente
Agresti natus) quo fiet, clarus vt ille
Ad maiora gradu conscendat munia certo:
Vix tamen inuidiam fugiet: quam franget, apertum
Vlciscens hostem facile, atque ex ordine, quemuis.
Interdum Ponti studiis capietur: amabit
Quidquid & in proprios pelagus desiderat vsus:
Flumināque, ac portus mundi perquiret, & orbem
 Nautæ & *Vndis lustrabit: connectens sidera Ponto:*
 hydro- *Cognoscat ventos, naualiaque arma, sciētque*
 graphi. *Huc modò, nunc illuc caligine vertere clauum:*
Ac franare ratem, fluctūque effindere canos:
Et placidum ductis euertere retribus aquor:
Littoribusque suis populos exponere captos.

AUTORE ANTONIO MIZALDO.

Signa Zodiaci humanos facientia, & contrà, &c.

Humanum Signum quotquot nascentibus, vltro
Ascendet, claros humanis moribus, atque
Mansuetos reddet: si brutum, siue ferinum
Difficile, rigidus, tristes, sauos, & agrestes:
Et qui cum paucis, quàm multis viuere malint.
Quod nunquam fallet, si cœli rex, dominusque
Natalis, Signo in tali spectabitur esse:
Cetera de nostra disces quandoquē Mathesi.

Admonitio in præcedentia, & hætenus scripta:
quæ pro conclusione haberi potest.

Quisquis es, ô Lector, qui fructum carpere gestis
Ex his, te paucis iterumque, iterumque monebo,
Maturè vt videas labentis tempore factus
Signum quod scandit: necnon dominumque, ducemque
Illius: quis sit cum quo miscetur, agitq̃;
Fœlix, infœlixne suo circumuolet orbe:
Ex quo deinde loco præsit, noceatue: quis hospes,
Quam teneat sedem, cuius sit cardinis: addes
Et reliqua innumera à priscis descripta: tibiq̃;
Vt fructum faciant gratis concessa, Deorum
Munere: quos curare hominum res, credere par est.
Plurima quæ restant scitu dignissima, paucos
Expediam ante dies: modò doctos ista probasse
Audiero: quæ posse placere, est gloria summa.

Hęc vide-
ant Ge-
nethliolo-
gici.

Res nõ fa-
cilis velle
feriò ex a-
stris philo-
sophari:
quod ani-
maduer-
tant impo-
stores ali-
quot.

FINIS LIBRI TERTII ZO-
diaci, & vltimi, autore Antonio
Mizaldo Monluciano.



Ob. 6. II. 3320

